

## Compara cu otro añanan, fundacionnan ta pidiendo mas subsidio



Pagina 3

## Buki historia di futbol di Aruba a keda lansa



Pagina 19

## Ciclistanan ta pidi Formador pa colaboracion



Pagina 32

## Homber hungando beach tennis na Eagle Beach a fayece

Diadomingo pasa di 4 or di atardi, un homber cu tabata hunga beach tennis a haye cu problema di salud, a sak den otro y no a reacciona mas. Di biaha hendenan a cuminsa CPR mientras cu ambulance tabata na caminda. Tabata tin un dokter cu ta su amistad y tabata practica e reanimacion, pero sin ningun resultado. Ambulance tambe a yega y sigui cu e practica pa mas cu 40 minuut manera con e regla ta stipula, pero esaki tabata envano. A purba shock e curason, pero no tabata haya nada di pulso. Asina pa 4:50 di atardi, dokter Wijngarden a constata morto di R.R.T., naci na Curacao na 1964.



## *Editorial:*

Nos ta cuida nos  
hubentud?

*Kico realmente nos ta invertiendo?*

Pagina 5



*Ainda ley di cacho no ta wordo reenfora pa polis*

# Mas cu 40 mil cacho y pushi riba caya



**ORANJESTAD –** Apesar cu a bin cu un ley pa combati e problematica di cacho cayehero y purba di controla e poblacion di cacho riba nos isla, ainda e problema ta sigui latente. Te hasta el a bira pio, ya cu no solamente ta e problema di e cachonan cayehero y mal cuida sino tambe esun di e pushinan.

Merviné Kock di e proyecto Crijajo Trappers Aruba a duna un up date di e situacion aki mirando cu nan ta atende cu e problema aki tur dia como parti di e solucion. “Na Aruba nos tin 40 mil cacho cu pushi ariba caya”, el a bisa. E fundacion aki cu a wordo lanta pa yuda alivia e problema aki. Sinembargo nan man ta yen pa atende tanto asunto rond di e bestianan aki. For di dia cu nan a cuminsa mas of menos un aña y mey pasa, nan a yega di sterilisa 1.400 cacho y pushi caba. Esaki ta un trabou cu nan ta realisa conhuntamente cu e veterinarianan. Pa dia nan ta opera pa e fundacion aki un promedio di cinco bestia, ya sea cacho of pushi.

Pero e situacion ta parce cu no ta mengua sino cu aparentemente el a bira mas grandi. E siman aki nan tin un proyecto hunto cu ARA pa sterilisa 60 pushi. “Hopi bestia tin ariba caya pero nos hendenan mester bira hopi mas consciente”, el a bisa. E ta denuncia cu tin hopi crueldad rond di e problema aki. Tin hendenan cu ta mara nan cacho den solo y sin awa. Te hasta tin ocasion cu nan mester bay cu polis pa atende e asunto aki. Pero nan ta un poco limita ya cu nan no tin luga pa pone tanto bestia, pero di otro banda polis no ta castiga e doñonan irresponsabel aki cu boet. E ta haya cu e ley di cacho t’ey, tambe e plataforma y OPB (Organisacion Polis di Bario) tambe t’ey, pero e legislacion mester wordo ehecuta debidamente.

## Mas compromiso

E proyecto Crijajo Trappers Aruba ta forma parti di e plataforma aki di ley di cacho y nan ta purba y traha duro pa e ley aki wordo ehecuta manera debe ser. Pero nan ta spera cu e gobierno nobo sinta pa nan por cana pa atende cu e problema aki.

E ta haya cu esaki ta un parti cu nos ta lepia hopi na Aruba, entre otro nos no ta cuida nos medio ambiente, nos no ta cuida nos cacho di caya, etc... E ta haya cu nos hendenan no ta compromete su mes pa atende cu tur e asuntonan aki. Basta aña pasa el a lanta fundacion pa Salba Nos Burico na 1997 y awor el a compromete cu esun di e cachonan y pushinan cayehero. E ta haya berguensa cu e ta un di e tiki Arubiano cu ta zorg pa nos cacho di caya, ya cu generalmente e fundacionnan ta consisti di hendenan di otro nacionalidad, y e ta puntra su mes: Unda e Arubiano a keda?

Pero nan entrada financiero tambe ta mengua pa atende entre otro cu operacion di e bestia aki pa evita cu nan ta sigui reproduci di un forma irresponsabel di parti di e doñonan di e mascotanaki. Durante entrega di un donacion di parti di Aqua48, miembronan di Crijajo Trappers a haci un demostracion con nan ta captura e cachonan bandona y den mal estado den un cura di cas.

Den e caso aki nan a pidi autorisacion pa drenta, pero den otro situacion, nan ta bay cu polis. E doñonan di e cacho no tabata worry cu nan. Nan a bay cu cuater cacho pa duna un segundo oportunidad y esun cu ta den mal estado pa causa di un malesa dificil pa cura, nan ta manda nan drumi.

Sra. Kock a splica cu nan modus operandis ta cu nan tin patruya cu ta inspecciona diferente bario y unda nan ta wak cacho riba caya, nan ta piki nan. Pero tin biaha nan ta haya yamada

pa denuncia cu den tal caminda tin cachonan bandona of mal cuida, y nan ta bay. Tambe ora cu tin cacho cu auto ta dal’e, nan a cuminsa piki e cachonan aki, manera recientemente un auto a dal un cacho riba e brug nobo. Nan a cuminsa bay cu nan pasobra tin biaha nan ta keda varios dia benta banda di e caminda y no tin niun hende pa piki nan.

Problema ta grandi y mester di placa

Nan ta hayando hopi cacho macho cu cancer di prostata y cacho tefi cu cancer den nan matriz. Nan ta hayando quimioterapia pero e veterinario ta esun cu ta dicidi nan estado di salud. Pero lo mas importante ta cu nan ta sterilisa e cacho pa no sigui reproduci. El a bisa cu un cacho y su yiunan den su periodo di bida ta traha 11 mil puppy si bo no ta sterilisa. E meta ta pa e poblacion aki bira hopi chikito y caba cu e forma di sacrifica nan of pone nan drumi, ya cu nan ta mata 8 mil cacho cu pushi pa aña. E ta haya cu lamentablemente e panorama aki ta un berguensa pa nos isla.

Nan trabou boluntario ta encera captura, sterilisa pushi y cacho y pone nan bek riba caya. Algun di nan ta haya doño. Tur cacho ta haya su vacuna y tambe un macro chip. E ta haya cu nos comunidad mester bira mas consciente riba e cuidado di nan mascota. Si nan ta tuma pa ehempel un cacho nan mester vacune “mescos cu bo yiunan”.

Esaki cu e meta di yuda alivia e molester di animalnan di caya rond Aruba. Na mes momento pa contribui na un solucion permanente. Crijajo Trappers ta pasa di districto pa districto y ta traha completamente a base boluntario.

Crijajo Trappers Aruba ta un proyecto di Nisi Canis Heart of Gold Foundation cual ta ehecuta cooperacion di veterinarianan. El a bisa cu e donacion di 4 mil florin entrega pa



Aqua48 a cay den bon tera, ya cu e fundacion su entrada ta hopi limita y nan ta gasta alrededor di mas cu 36 mil florin den seis luna pa asina e veterinarianan por opera of sterilisa e bestianan aki. Nan ta traha cu diferente veterinario, ya cu esaki ta depende di cuanto bestianan nan tin y cual ta e disponibilidad di nan pa opera e cacho- y pushinan. Nan ta bezig cu Hulanda pa wak si nan por haya un suma considerable pa asina e fundacion por draai debidamente.



Segun Angel Bermudez:

# ‘Fundacionnan ta pidiendo pa mas subsidio otro aña den comparacion cu e aña aki’

**ORANJESTAD** - Den un publicacion siman pasa, fundacion SVGA (Stichting voor Verstandelijk Gehandicapten Aruba) a expresa na Bon Dia cu nan no tin mucho claridad riba e parti financiero como fundacion. No ta mucho cla kico ta bay haya otro aña y tambe a compronde for di gobierno demisionario cu cesantia no lo wordo paga pa algun di nan empleado. Nos a acerca minister demisionario di financia Angel Bermudez pa un reaccion.

Den presupuesto di Aruba tur aña nos tin un suma di alrededor di 60 milyon florin cu ta destina pa subsidia 41 pa 43 fundacionnan segun sr. Bermudez. Esakinan naturalmente gobierno ta subsidia pa haci cierto servicionan pa gobierno riba tereno di cuido, social, rehabilitacion y mas den e maneho di gobierno. Pa loke ta trata e presupuesto di otro aña, gobierno a haci un prome ronda y puntra e fundacionnan kico ta nan deseo. Tur e departamentonan/fundacionnan a contesta anto ora cu gobierno a acumula tur e informacionnan aki, a tuma nota cu den total nan ta pidiendo entre otro 40% mas cu e aña aki. “Esey ta algo cu naturalmente den momentonan aki ami no por dicidi mas riba dje pasobra ora cu presupuesto di 2018 wordo formalisa por medio di e gobierno nobo cu ta bay hinca su maneho aden, nan lo mester dicidi si nan lo honra e peticionnan aki,” sr. Bermudez ta comenta.

## Warda riba kico gobierno nobo ta dicidi

Fundacionnan manera entre otro SVGA cu ta hunga un rol importante den nos comunidad pa loke ta trata cuido di esunnan cu limitacion, por conta por lo menos cu mesun suma cu nan a haya e aña aki. Pues segun sr. Bermudez, a base di esey caba e fundacion por cuminsa formula su plannan pa otro aña y warda riba kico e gobierno nobo lo dicidi riba peticion pa mas entrada otro aña. SVGA mes a pidi casi un 50% mas di loke nan tabata tin e aña aki caba. “Y for di nan banda tambe mi ta compronde pasobra nan tin un lista di warda cu mas di 125 hende riba dje cu tambe kier bin na remarke pa e cuido di e diferente institucionan cu ta bay bao SVGA.” Tin mas cu 40 fundacion cu ta haya subsidio y lo depende di e gobierno nobo pa wak den e maneho ken kisas lo por haya un poco mas of menos dependiendo na e necesidad. Bermudez: “Ami nunca no ta dicidi riba ki sorto di servicio ta wordo cumpra for di un fundacion, esey ta e ministernan di Asuntonan Social, minister di Salubridad Publico, Husticia etc. E minister encarga cu Financia mester wak kico ta disponibel den e presupuesto anto esey e ora tin cu comparti, esunnan cu



ta dicidi ken ta haya tiki mas of menos placa ta e ministernan concerni”, sr. Bermudez ta splica Bon Dia.

## Cesantia no ta presupuesta

SVGGA a haci un peticion pa pago di cesantia na algun di nan trahadonan cu a bay cu pensioen. Minister Bermudez a bisa cu esey ta sumanan cu ta bini ariba e sumanan di subsidio cu ta para den e presupuesto. “E sumanan di cesantia no ta presupuesta. Esey kiermen cu pa ora cu nan wordo acorda y formalisa, e ora mester hink’e den e supletorio pa asina ey tin e titulo legal cu nan por hay’e paga.” E peticionnan a wordo manda na e departamentonan concerni pa nan conseha riba dje y cierto momento tambe duna un consejo si e base legal ta cor-

ecto, y si calculacionnan ta corecto segun e minister. E motibo cu esakinan no ta presupuesta segun Bermudez ta pasobra e cifranan aki na comienso di aña no tabata conoci.

“Di otro banda e ta algo tambe di loke bo ta yama bedrijfsvoering di un fundacion. Mi ta kere cu un fundacion tambe por reserva tur aña un parti di e cesantia ey ora cu e sa cierto momento su personal lo bay cu cierto edad cu pensioen. Na momento cu un hende drenta den servicio bo sa cu aki 20 of 35 aña e lo bay cu pensioen anto cu e leynan existente manera cu nan ta bo lo tin cu dun’e su cesantia.” Pa e generacion nobo, e ley landsverordening algemene pensioen ta obliga di tin un areglo di pensioen. Sinembargo, pa e personal di generacionnan mas grandi, eseynan no a bin na remarke pa haya un areglo di pensioen asina



ki pues p’esey ta bin na remarke pa un cesantia.

Sr. Bermudez ta bisa, “Si den curso di aña un fundacion manda un carta y bisa cu fulano of fulano ta bay cu pensioen anto nos tin cu page tanto na cesantia, den momento ey e sumanan ey si a caso gobierno ta haya cu mester paga nan, nan no ta den presupuesto. Pues bo no tin e titulo huridico pa bo por paga nan.” E mandatario ta conclui: “Bo tin cu bay controla nan y manera mi a bisa, verifica nan anto na momento di dicidi si lo paga nan, hinca nan e ora den un presupuesto supletorio. Cu tur aña ta wordo traha den curso di e lunanan november/dicember pa coregi e presupuesto pa loke cu e falta, pa por haci cierto cambionan.”



## Negociacion di CAO trahadonan di Alhambra Casino ainda no ta cla

**ORANJESTAD** – Mediador di gobierno, Anselmo Pontilius, a informa cu Alhambra Casino y sindicato STA ta ainda negoshando e contracto colectivo (CAO) pa e trahadonan. Nan a cuminsa negosha fei inicio di aña pero na luna di april nan a pega den nan negociacion y nan a bay pidi intermediacion di mediador di gobierno.

Den e proceso aki e departamento aki cu ta brinda ayudo pa entre otro resolve conflicto laboral a orienta ambos parti un poco y nan a sigui negosha. Pero nan a pega bek ariba un parti cu tin di haber cu reduccion di siman di trabou y e parti di aumento salarial.

Sr. Pontilius a laga sa cu nan a sinta cu e partido un biaha mas diaranson ultimo. E biaha aki nan a duna algun recomendacion pa atende cu e puntonan cu ainda nan ta pega cu nan pa logra finalisa di negosha e CAO nobo aki. E ta spera cu nan por sali di e impasse aki considerando cu e periodo ta hopi largo cu nan ta negoshando sin por yega ainda na e firma final di un CAO.

Mediador di gobierno a splica cu na Alhambra Casino tin CAO caba y condicionnan di trabou estableci tambe pero tin un debate riba cambio di orario y e cantidad di dianan liber pa siman.



Nan ta evalua con e efectonan di e dianan liber aki ta pa un casino.

E casino a yega di informa con nan por yega na otro pa sali fei di e impasse aki. Tambe a base di e recomendacion duna pa departamento di mediador di gobierno, e sindicato a keda di traha un ultimo contra oferta. E compania a ricibi esaki y a keda palabra cu dia 9 di november nan ta sinta bek pa mira si e partidonan por Sali fei di e parti aki.

“Atrobe nos ta haci un apelacion riba tur dos partido pa wak hopi di cerca cu lo mester bin den e contracto colectivo ta e condicionnan di cambio di orario di trabou. Y si tin alternativa keda cu mente habri”, sr. Pontilius a bin cu e recomendacion aki. El a indica cu tin diferente departamento den un casino cu no necesariamente e mesun orario ta aplicabel pa tur departamento. Talbes esaki lo por trece eventualmente discusion riba con nan ta bay planifica esaki. Pero algo cu si ta sigur ta cu bo tin un casino cu ta habri 7 dia pa siman y e ta opera sigur for di mainta te cu 4’or di madrugá.

E ta un situacion cu nan mester evalua con nan ta bay atende cu esaki sin cu operacion di e casino ta resulta afecta. Y tog pa percura cu e trahadonan tin mas dia liber pa nan mes y pa nan famia sin cu nan ta bay atras den pago.

“Esaki ta e puntonan principal. Nos ta spera cu nos lo por resolve pa rond di dia 9 di november”, segun sr. Pontilius.

### Referendum

Referendum ta sigui tuma luga keto bay. Recientemente a tuma un referendum pa un departamento di Hyatt hotel den cual e sindicato FTA a participa y nan a haya e confiansa di mayoria di e trahadonan pa representa nan.

Mirando cu FTA a pidi referendum pa tres departamento di Hyatt hotel, tin otro referendum pendiente cu lo tuma luga dia 26 di october, y eventualmente e di tres referendum lo tuma luga un of dos siman despues.

Tin un peticion mas cu a drenta pero te ainda departamento di mediador di gobierno ta pendiente pa caba di atende cu e procedura legal cu un referendum ta exige. Den transcurso di siman nan lo duna mas informacion ariba dje.



## JOIN OUR AWARD-WINNING TEAM!

#1 Hotel in Aruba on TripAdvisor

### EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

### REQUIREMENTS:

Highly Motivated, Aruban or valid work permit, Work in Drug Free environment, Flexible Work Hours, Interested in preserving the Environment.

## MAINTENANCE TECHNICIAN

## CONCIERGE -Speaks English and German

Please send resume by Email: [jobs@bucuti.com](mailto:jobs@bucuti.com) or Fax: 582-5272 or Call: 583-1100 ext 136 for appointment. Before applying, please register at DPL.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion Ehecutivo**

Sharina Henriquez (hefe di redaccion)  
Cristian Soto Garcia (hefe suplente)  
Nicola Gonzalez (redactor ehecutivo)

**Redaccion**

Benjamin Romero  
Leo Maduro  
Efraim Odor  
Fabiola Cardenas  
Luis Villegas

**Ehecutivo di Benta**

Marijke Croes-Luidens

**Fotografo**

Dino Tromp

**Aviso y Arte**

Sandra Loefstop  
Lisa Tromp

**Administracion**

Mariette Engelhart  
Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Yair Gambin  
Francis Dirksz

**Colaboracion**

Associated Press  
Ret Karibense  
Upload Media Aruba  
Yakari Gabriel

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800 / Fax: 582-7044  
Email: noticia@bondia.com  
aviso@bondia.com  
Website: www.bondia24.com  
Facebook: @bondianoticia

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reprodu sin permiso di editor.

# Editorial

## Nos ta cuida nos hubentud? *Kico realmente nos ta invertiendo?*

**“Estudiante ta tira dos compañero di klas mata.” E tabata victima di bullying, a horta arma regular di su mama polis, y a yega unda nunca nos no kier pa nos yunan yega, destruyendo bida di otro y di su mes. Djis un noticia den e corant di awe. El a sucede leu di nos isla, den un estado den profundidad di interior di e pais enorme cu yama Brasil. Nos por pone un banda como casualidad di bida? Ademá, cerca nos, riba nos dushi isla, nos ta keda libra di e tipo di atrocidad aki, toch? Y nos nunca a yega di tende di bullying na nos scolnan; nos muchanan no ta haci e tipo di cosnan ey, toch?**

Nos por ta ekiboca, pero no ta poco dia ey nan a bolbe haya alumno cu droga y arma na un di nos scolnan? Y si bullying tabata existi cincuenta aña pasa caba na nos scolnan, nos ta supone cu nos yiu o nietonan ta miho cu nos? Nos no ta kere esey, pero no ta asina cu tanto aña pasa tabatin mas control, na cas y na scol? Nos bida familiar y bida social tabata organisa di otro manera. Anto cu esaki nos ta proclama cu nos mester simplemente bolbe na e bida anterior, unda un gran parti di e mamanan no tabata traha, pero tabata semper na cas ora e muchanan yega di scol? Cu bo por a confia riba bo bisñanan, cu no ta permiti bo yiu haci cos malo, pero ta interveni y ademá laga bo sa kico a sucede?

Laga nos ta honesto cu otro: e tempo – dushi o menos dushi – di antaño no ta bay bolbe, y esey pa bon motibo. Awendia mayoria di hende muhe tambe ta traha, ora e muchanan yega di scol hopi di nan no tey. Anto ta nan ta carga e culpa? No, ta nos tur ta biba den un otro situacion economico, unda ta necesario cu tur dos mayor ta traha, ‘to make ends meet.’ Ironicamente nos ta biba den un di e paisnan cu hende muhe mas ‘emancipa’, si bo considera cu practicamente tur ta traha. Con e tareanan den nan hogar ta reparti, esey ta otro storia. Aki aya tin hende homber mas ilumina, cu ta comprende cu nan no por laga tur cos pa nan pareha haci, cu tambe tin su trabao. Pero nos no tin e impresion cu esey ta conta pa mayoria di hogar, cu consecuencia cu gran parti di trabao ta cay riba schouder di hende muhe. Algo straño cu esey? Bue-

no, nos no ta ni miho, ni pio cu gran parti di mundo. No tanto di gaba, hopi cos cu por drecha si, si nos ta interesa pa haci’e. Y si nos no ta bolbe pa pasado, kico nos ta bay haci anto pa remedia esaki, cu mira pa futuro?

Ban cuminsa cu e asunto mas problematico, y esey ta e peligro na cual nos yunan ta exponi, specialmente den e oranan cu no tin supervision. Esey ta e oranan despues cu scol caba, pero e mayornan, sikiera un di nan, no ta disponibel ainda. Ta den e oranan ey nan por ta anda den mal compania, aunke nan mes no ta mir’e asina. Si nos no ta conta cu e mayornan, anto kico otro nos ta bay haci? Na hopi pais nan a yega caba na e alternativa di tene e muchanan mas largo na scol. Na Aruba e idea ey tambe a bin dilanti, hopi aña pasa caba pa e scolnan basico, pero mas reciente a haci un esfuerso pa extende esaki pa e scolnan secundario. E plan cu a sali di nos propio ministro presidente (saliente) a fracasa riba e problema unda hopi cos necesario a fracasa, y esey ta e problema financiero. Berdad, sin placa nada ta move, pero esey no ta kita e necesidad di implementa e plan aki, a como sea.

Loke a decepciona nos un poco di e accion reciente di sindicato di maestro, cu nan ta boga pa igualdad den trato pa tur scol, den diferente asunto, manera recurso general, aire condiciona pa tur local, facilidad pa ehercicio fisico na tur scol, pero nan no a expresa nada encunto e necesidad pa bay mas leu cu e cuido cu mester existi pa e alumnonan den e oranan di peligro, cu ta un realidad na cualkier pais riba e continente aki, y na cualkier isla den nos region di Caribe. Acaso e no ta un asunto pa e sindicato, pasobra nan ta duna les mainta, y no bin maha na nan cabes cu cos cu mester bay haci atardi? Asina leu cu nos conocimiento ta bay di proyectonan mas o menos exitoso den otro pais, ta logra esey solamente si e maestronan ta involvi cu alma y cuerpo. No cu ta nan mester bay haci tur y trabao, pero si scol, den nos concepto, manera otro paisnan ta hacie, mester bira un base importante pa comunidad, anto nan participacion, no solamente colaboracion, ta clave. Tur esaki ta bay hopi mas leu cu aire condiciona, o gymzaal na tur scol, cosnan cu, claro, nos ta apoya di curason.



# Despues di horcan Maria, Puerto Rico por perde mas poblacion ainda

**PUERTO RICO (Univision).-** E sensacion cu Puerto Rico lo keda bashi ta parti di combersacion di tur dia, pa motibo di con e isla a keda despues di e pasada di horcan Maria un luna pasa. Awor, e proyecionnan demografico ta muestra un realidad nobo.

Entre 2017 y 2019, Puerto Rico lo perde te 470.335 residente (o 14% di su poblacion). E Centro di Estudio Portorriqueño di Hunter College, na New York, ta calcula esaki den un informe nobo cu ta analisa e exodo di e isla despues di e horcan.

Aualmente, entre 114.000 y 213.000 Portorriqueño lo bandona e isla, e reporte ta bisa, cu ta basa su mes riba un analisis di dato di censo di American Community Survey, pa haci su proyecionnan.

Aparte di e datonan aki, e experiencia na New Orleans despues di horcan Katrina ta forma parti di otro indicadornan cu e autornan a tuma na cuenta pa nan calcula-

cionnan.

Den e contexto historico aki, Florida, Pennsylvania, Texas, New York, New Jersey, Massachusetts, Connecticut, Ohio, California y Illinois ta e estadonan cu lo ricibi mas Boricua.

“Den e informe nos ta trata di papia un poco di loke e exodo ta implica pa cada grupo demografico. Hopi di e famianan mester di intervencion psicologico, no solamente pa e trauma di un transicion pa un lugá desconoci, sino di sali di condicionnan opresivo,” Edwin Meléndez, director di e centro y autor di e informe hunto cu Jennifer Hinojosa, ta splica.

Manera Meléndez ta indica, e migracion ey ta inclui mucha-

den edad escolar cu lo mester di servicio di cuido general y medico, como tambe transferencia di documento y esey na su turno tin efecto riba e adultonan cu ta bin cu nan.

“Otro reto ta bin den discusion ora hende di edad avansa ta yega, cu mester atencion medico pa dialisis, enfermedadnan cardiaco, diabetes o cualquier otro cu ta rekeri servicio continuo y cu mester adapta nan mes na otro sistema clinico. Esey ta encera hopi mas cu loke ta supone kico ta significa traslada bo bida di un lugá pa otro.” Si ta berdad cu tin ciudad cu tin concentracion grandi di Portorriqueño caba, manera Meléndez ta enfatisa, sin embargo ta surgi e pregunta “si e comunidadnan ta cla pa ricibi nan.”

Manera Meléndez ta recorda, gobernador di Florida, Rick Scott, a declara estado di emergencia den su estado



pa facilita recurso pa esunnan cu a mira nan mes forsa pa bandona Puerto Rico, pa e devastacion cu horcan Maria a laga atras.

E informe aki, Meléndez ta considera, ta recordatorio di cu e exodo apenas ta cuminsando. Di acuerdo cu e informe, debi na e devastacion di Maria, Puerto Rico lo perde den algun aña e mesun poblacion cu a perde den un decada, di 2006 pa 2016, a causa di e crisis economico cu a golpia e pais prome cu e horcan.

“E desempleo lo ta masha halto den e proximo añanan,” Meléndez ta anticipa, aparte di e impacto den sectornan manera agricultura, turismo y comercio en general, memey di e escasez cu na e momento aki ta reina, den un luna cu pa hopi hende ta parece un eternidad.

## Gobernadornan opositor lo dicidi si nan ta huramenta dilanti Asamblea Constituyente

**VENEZUELA (ElNacional).-** E gobernadornan opositor, eligi den e eleccionnan regional di 15 di october, lo discuti riba e pregunta si nan lo huramenta o no dilanti di e fraudulentamente asamblea nacional constituyente, ya cu esey tabata e impedimento pa huramenta dilanti e consehonan legislativo di cada estado.

encuanto e huramentacion dilanti e asamblea constituyente ilegalmente.

E encuentro di e gobernadornan opositor lo tin como obhetivo tuma un decision colectivo, tumando na cuenta e posicion di sociedad Venezolano.

Oposicion a gana eleccion regional den cinco estado: Zulia, Táchira, Nueva Esparta y Mérida, den cualnan por ripiti e proceso electoral



E gobernador di Táchira,

Laidy Gómez a informa den rueda di prensa cu e lo biaha pa Caracas pa scucha opinion di otro gobernadornan eligi, tocante ki decision pa tuma

si nan no huramenta dilanti di e asamblea constituyente. Di su banda, presidente Nicolas Maduro a menasa esunnan cu nenga huramenta dilanti e Constituyente, cu nan por termina den prizon.



## Borges: Gobierno mester dicidi di paga debe externo o cumpra cuminda y remedi

**VENEZUELA (ElNacional).-** Presidente di Asamblea Nacional, Julio Borges, a recorda cu gobierno mester confronta e dilema di paga e debe externo, o uza e recursonan aki pa combati e escasez di remedi y alimento.

Borges a adverti cu den e proximo oranan gobierno tin cu resolve e delicado dilema di con paga mas di US\$3.500 miyon.

“Un suma enorme pa Venezuela, o destina parti di e placa aki na compra di medicina y cuminda.” E ultimo fecha di pago



riba bono lo ta dia 27 di october, pa gobierno no cay den default.

Tambe el a pidi gobierno pa habri e haf y aeropuertonan y pa permiti entrada di e ayudo humanitario, “ta un crimen cu e Venezolanonan ta coba den sushinan, mientras comunidad internacional ta dispuesto di yuda nos,” el a declara.

Borges a probecha e oportunidad pa anuncia cu un grupo di diputado di Asamblea Nacional (AN) y dirigente di Mesa di Unidad (MUD) lo bay na instancia internacional manera Nacionnan Uni, Unasur, Mercosur, Grupo di Lima y Organizacion di Estadonan Americano, y ademas lo tin un encuentro priva cu presidente di Republica Dominicana, Danilo Medina, pa denuncia e Consejo Nacional Electoral, y resalta e importancia di cambia e sistema electoral na Venezuela pa cumpli cu derecho di pueblo di por eligi den eleccion liber, universal y secreto, y cu lo debil e pais e confiansa di voto.





greenaruba 2017  
In Collaboration with:



CARILEC  
An Association Of Electric Utilities  
*'Sustainability in Motion'*

**November**  
**16 & 17, 2017**  
.....  
**HILTON ARUBA**  
Caribbean Resort & Casino  
.....  
**MORE INFORMATION**  
[www.greenaruba.org](http://www.greenaruba.org)  
[info@greenaruba.org](mailto:info@greenaruba.org)

## Estudiante ta mata dos colega den klas na Goiania – Brasil, pa bullying

**BRASIL (G-1).**- Un estudiante a tira dos compañero di klas mata, y a herida otro cuatro estudiante na Goiania, capital di estado Goiás, Brasil. E crimen a tuma luga diabierna mainta, den un klas di e Colegio Goyases. Banda di e dos victimanan mortal, João Vitor Gomes y João Pedro Calembo, ambos di 13 aña, otro cuatro alumno, di mesun klas, a keda herida. Un di nan por a bay cas diadomingo despues di tratamento na un hospital local. E otro tresnan ainda ta interna.

### Bullying

Coronel di Polis Militar Anésio Barbosa da Cruz a informa cu e autor di e crimen tabata victima di bullying di coleganan di klas. El a rebeldia contra esaki, a haya e arma na cas, di su mama cu ta polis, y a uza esaki pa efectua e tiroteo,” el a declara. Un alumno di 15 aña cu tabata den e klas na momento di e tiroteo, tambe a conta cu e estudiante tabata victima di mal chansa di su coleganan.



Yiu di dos polis militar, e adolescente ta cera den un cel separa di un destacamento policial na Goiania, pero mester hib’e un centro di internacion provisorio di e estado. Riba peticion di Ministerio Publico, diasabra hues Monica Cezar Moreno a dicidi cu e hoben mester ser encarcela pa 45 dia di prizon preventivo, na e Centro di Internacion Preventivo pa adolescente na Goiania. Segun e abogado di e famia di e hoben, Rosângela Magalhães, e mayornan ta teme pa su bida den e centro aki, y ta prefera pa e keda na e delegacia unda a hib’e prome.

“E centro di interaccion di aki no ta sigur, pa motibo di e caso mes, y tambe cu e mayornan ta polis militar, y e tata tabata involvi cu e seguridad di e batayon di e sistema penitenciario, loke ta trece peligro pa e bida di e hoben.

E dos hobennan cu a perde nan bida den e crimen a haya entiero e dia siguiente mes, diasabra ultimo.

## Colombia yegando na 50 milyon habitante na 2018

**COLOMBIA (ElTiempo).**- Colombia ta cerca di yega na e cifra di 50 milyon habitante, segun e Departamento Administrativo Nacional di Estadística (DANE). Esaki ta pone e pais na tercer luga pa loke ta poblacion na America Latino, despues di Brasil y Mexico. E aumento di poblacion ta continuo, y ta anticipa cu pa aña 2025 e pais por ta e di tres mas pobla di henter Iberoamerica, riba España cu ta di tres actualmente.

“50 milyon persona sin duda ta un bendicion y ta muestra e potencial di e pais,” e analista economico Aurelio Suárez ta bisa. “Nos ta dos biaha mas grandi cu Chile, nos ta 16 biaha Uruguay,” e ta agrega. “Riba e planeta aki tin solamente 27 pais cu tin mas di 50 milyon habitante,” Mauricio Perfetti, director di Dane, ta destaca.

Pero un nacion necesariamente ta miho nacion si e tin mas residente? E contesta ta depende di e oportunidadnan cu cada un di nan tin. Por ehemplo, India tin 1.100 milyon habitante, cu un tercera parti bao di e linea di pobreza. Ta dificil pa ta optimista ora bo tin 350 milyon di hende cu no tin nada. Hapon ta conta cu 127 milyon di persona. Sin embargo, den loke tabata e Imperio di Solo Naciente awor embevecemento ta domina. E situacion di Colombia ta diferente.

Aki ta existi un ekilibrio di edad: tin 15.448.285 persona menor di 18 aña, 31,3% di e poblacion; y 5.752.958 persona riba 60 aña, o sea 11,7%. Ademas, segun Luis Fernando Mejía, director di e Departamento Nacional di Planificacion (DNP), “entre 2010 y 2016 a registra un reduccion substancial di pobreza, cu a pasa di 37,2% pa 28% di e poblacion, loke ta significa e salida di 4.4 milyon persona di e situacion ey.”

E estadisticonan di DNP ta muestra otro indicacionnan bon. Basa riba un metodologia crea pa Banco Mundial, desde 2015 e institucion aki ta realisa calculo encuanto e clasen social, cualnan ta muestra cu mientras na 2010 e pobernan y e clase medio tabata, respectivamente, 37,2% y 24,8% di e poblacion, na 2014 pobreza a keda na 28,5% y e clase medio a crece te



30,5%, un avance di un magnitud cu no a registra nunca ainda den historia.

50 milyon habitante, segun e proyectacionnan di Dane, e pais lo tin exactamente dentro di un aña, diadomingo 21 di october 2018. Pa compara, na 1985 Colombia tabatin 30 milyon habitante. E crecimiento grandi aki

entre otro ta fruto di menos mortalidad infantil, y di miho expectativa di bida di esunnan di edad halto. Segun Dane, speransa di bida na Colombia na 1974 tabata 62,3 aña. Awe e ta 76,1. Cu na 1902 un Colombiano tabata biba un promedio di 33 aña y cu ya ta yegando na 80 aña, ta un logro gigantesco.



## CBS Hulanda: 'Prijsnan a subi na Statia y Boneiro y a baha na Saba'

**WILLEMSTAD** – Prijsnan a subi na Statia y Boneiru y a baha na Saba. Asina Oficina Central di Estadistica di Hulanda a informa e siman aki. E prijsnan aki a wordo analisa a prome cu horcan Irma.

Den e di tres kwartaal di 2017 e prijsnan di consumo tabata 2,1 porshento mas halto na Sint Eustatius cu un año anterior. Na Boneiro e subida di prijs tabata 0,6 porshento. Na Saba consumidonan a paga den e di tres kwartaal hustamente 1,3 porshento menos pa mercancia y servicio cu den e di tres kwartaal di 2016. Asina CBS ta duna di conoce.

Na Boneiro casnan di famia a paga e ultimo kwartaal 0,6 porshento mas pa mercancia y servicio cu un año anterior. Den e di dos kwartaal esaki ainda tabata 0,4 porshento. Particularmente articulo y aparatonan domestico, manera cortina, paña di cama y frishider, a bira mas caro. Na Sint Eustatius y Saba Outoridat di Consumo y Mercado (ACM -Autoriteit Consument en Markt) a stipula entrante 1 di juli 2017 tarifanan maximal pa coriente. Pa e motibo aki con-



sumidonan na Sint Eustatius a paga un promedio di 5 porshento menos pa coriente den e di tres kwartaal cu un año anterior. Na Saba e tarifanan nobo a resulta menos faborabel: e prijs promedio di coriente pa consumo a subi cu mas di 10 porshento compara cu un año anterior.

Entre otro pa motibo di coriente mas barata e prijsnan di consumo na Sint Eustatius a subi menos fuerte cu den e di dos kwartaal. Den e di tres kwartaal e prijsnan a subi cu 2,1 porshento, den e di dos kwartaal esey tabata ainda 2,6 porshento. Aparte di coriente, awa di cranchi tambe a bira mas barata. Di otro banda, e prijsnan di alimento a hustamente subi.

Na Saba e prijsnan pa consumo den e di tres kwartaal ta 1,3 porshento mas abou cu un año anterior. Kwartaal

pasa e prijsnan tabata 1,0 porshento mas abou. No obstante coriente mas caro e nivel di prijs promedio pues a sigui baha mas. Esaki ta particularmente pa motibo di e desaroyo di prijs di articulonan di baño y servicio di telefon.

E cifranan di Sint Eustatius y Saba te cu awor no ta duna un bista concreto di posibel efectonan di prijs ocasiona pa horcan Irma. A haci observacion di prijsnan particularmente prome cu Irma, den juli y augustus. Despues di Irma, den september a logra haci menos observacion di prijs di locual ta e custumber, pa motibo cu hopi articulo no tabata disponibel.

E cifranan pa e di tres kwartaal di 2017 ta tentativo y ta wordo stipula definitivo na momento di publicacion tocante e di cuater kwartaal di 2017.

## Procurador General Bos ta pidi cooperacion di comunidad pa soluciona crimen



**WILLEMSTAD** – Procurador General Bos a pidi comunidad pa coopera cu solucion di crimen. Hopi biaha tin hende cu a mira cosnan tuma luga. Kisas no tur cos, pero suficiente pa caba di forma e puzzel den un caso di investigacion, asina el a bisa ayera na su prome presentacion publico como Procurador General.

E tabatin un di e oradornan na e acto di instalacion di tres hues nobo cu mester a tuma luga na Sint Maarten, pero cu a para pa motibo di e destruccion di horcan Irma. Ta trata di e huesnan Edelenbos, mr. E.W.J. Meijer y mr. T. Veling. Presidente di corte Eunice Saleh a bisa cu e tin admiracion pa e forma hopi lihe cu a pone orden huridico cana atrobe na Sint Maarten. E imagennan di hendenan cu tabata horta pa loco despues di horcan Irma sin cu esey tabatin consecuencia mesora a pasa rond mundo y a crea e impresion di un anarkia. Danki Dios Corte y Min-

isterio Publico a recapacita masha lihe, di manera cu por a atende e situacion aki mesora.

Actualmente tin un gran cantidad di e looternan aki cu a haya nan castigo of ta den proceso pa haya nan sentencia. Den e caso di Sint Maarten tambe pueblo a yuda indicando unda a horta, ken a horta y hasta a lanta un Facebook-page pa duna informacion ta ken e ladronnan aki ta.

Procurador General, Roger Bos a bisa cu sin yudansa di comunidad lo bira dificil haci e trabou di investigacion y pone esunnan responsabel dilanti di mesa berde. Tur informacion cu hende sa, pa mas chikito cu e ta muestra, ta yuda. Color di auto, cuanto hende tabatin den un auto, camindanan cu a señala actividadnan iregular. Tur ta aspectonan cu ta yuda investigadonan, asina el a bisa. El a aplaudi tambe cu a lanta e grupo special pa atende asuntunan di arma cu a plama rond Corsou.



**Relojes  
Pulseras  
Cadenas  
Dijes**

Nos ta graba tur sorto di articulo di metal yama of bishita nos

**Tanki**  
Leendert 178-A  
Tel: 587 3940  
Fax: 587 2478  
Cell 592 9055  
email: adalbertovilla@live.com

**"COMPRA Y VENTA"**

***Bachue***  
Joyeros

**Compramos  
Vendemos  
Arreglamos todo tipo de Joyas**

**Contamos con un Buen Surtido de  
Pulseras y Baterias para Relojes**

**Habri di Dialuna pa Diasabra  
9:00am pa 1:00pm y di 2:00pm - 6:00pm**

**JOYERIA  
COMPRA Y VENTA**

**Abo!**

**No tin tempo  
pa Laba y Seca bo  
Pañanan!**

**Pasa y Laganan na:**

**AQUA  
LAUNDRY**

**Habri di Dialuna pa Diasabra  
7:30am non stop 7:30pm  
Diadomingo de 9:00am - 1:00pm**

**Tel: 587 0772**

**AQUA  
LAUNDRY**



**Diasabra,  
28 di october**

Nos ta habri for di  
9:00 AM - 1:00 PM

**Boogaard Assurantien  
Oranjestad**

**Habri**  
pa tur servicio!



Pa mas informacion por yama 5288888



## ‘Man camp a cera y con lo para cu e habitantenan di Sint-Maarten

**WILLEMSTAD** – “No tin otro caminda pa nos bay, nos a keda manera vagabundonan”. Esaki ta palabranan di Frank Abbott na momento cu mester a bandona e man camp di Refineria Isla. Abbott ta un di e tantisimo personanan di Sint-Maarten cu tabata keda den e compleho aki riba cuenta di Ministerio di Desaro Social, Labor y Bienestar (SOAW).

Sr. Abbott ta yiu di Corsou pero tin 48 aña ta biba na Sint-Maarten. Horcan Irma a destrui su cas por completo y por lo pronto e no ke bay bek. Sr. Abbott ta sinti su mes desampara. “si mi keda na Corsou ta den cas di anciano mi mester bay”, e ta lamenta.

### A cera man camp

E palabracion tabata cu e hendenan di Sint-Maarten por a keda te 15 di october cu posibilidad di prolongacion te cu fin di october. Sinembargo e periodo di yudansa urgente pa Sint-Maarten a yega na su fin y SOAW a dicidi di cera e man camp prome cu e fecha cumbini. E habitantenan di e man camp por a scochi entre regresa Sint-Maarten pagando nan mes pasashi of bay keda cerca famia na Corsou.



### Cen pa pasashi

Rosemary Williams tin dos yiu na Hulanda y ta prefera di bay keda cerca nan y no bay bek Sint-Maarten. “Mi tabatin e speransa cu gobierno lo por a soru sikiera pa e pasashinan”, Williams a remarca. E tiki famia cu e tin na Sint-Maarten no por yud’e financieramente pasobra nan tambe a perde nan cas.

Coordinado di e team di calamidad di Corsou, Lesley Fer, ta enfatisa cu niun ora so gobierno di Corsou a compromete su mes pa paga pasashi di regreso. “E unico cos cu Corsou

a ofrece como yudansa ta estadia y cuido temporal den e man camp di Refineria Isla”, sr. Fer a aclara.

### Responsabilidad di Reino

Roy Benders ta haya cu den e caso aki no mester haci distincion ta riba cua teritorio di Reino bo ta. “Den mi paspoort tin para Koninkrijk der Nederlanden y como tal Reino mester keda responsabel pa su ciudadanonan”, sr. Benders ta enfatisa.

Na momento cu SOAW a entrega e man camp tabatin alrededor di 26 persona ta keda den e compleho. Segun minister Hensley Koeiman di

SOAW, di e cantidad aki ta apenas dos a opta pa bay bek Sint-Maarten. “Mas cu mita a bay otro destinacion manera por ehempel Hulanda mientras cu sobra a keda Corsou”, sr. Koeiman a confirma.

Durante e periodo di un luna cu Refineria Isla a pone e man camp disponibel, alrededor di 214 ciudadano di Sint-Maarten a haya refugio temporal na Corsou. Algun a keda un par di dia so mientras cu otro nan a opta pa keda mas tempo. Entre estadia y cuminda cada persona ta costa alrededor di 150 florin pa dia.



**Cas di Max**  
Mueble y mas



**Boutique**  
di  
**MATRAS**  
di: CAS di MAX

**Y**

**Pakiko 16 DIFERENTE**

**SORTO Y TIPO DI MATRAS???**

**PASO PA UN POBLASHON AMPILO MANERA DI**


**NOS DUSHI ARUBA BO MESTER OFRECE VARIEDAD**

**Y CALIDAD PA TUR CARTERA!!!**









## ‘Tin añanan cu ta puntra y mas despues tin añanan cu ta contesta’

nan y nos no tabata mag di drenta yen di e fiestanan tampoco. Entre dos dia mi a traha 18 ora para y mi tabata rond di yen hende famoso y importante, dunando nan badge, entre nan managernan di record labelnan di tur caminda rond di mundo. Nos meneer di scol a bende nos un idea bunita di con glorioso y importante e ta pa forma parti di e evento aki, pero nos niun a saca algo di dje excepto cansancio. Mi ta un poco fada di e manera cu Hulanda en general ta explota studiantenan. Tur cos bao di e nomber di network y crea experiencia. Side jobnan na Hulanda ta paga studiantenan un miseria y mas hoben bo ta menos bo ta cobra cual riba su mes ta inhusto caba.

tur caminda. Yakari semper tabata e payaso di klas. Tempo di MAVO nos tabata un click, den un manera di bisa. E tabata ami y dos of tres mucha homber mas, cu semper tabata haci bomboshi. E tempo ey, di e juffrouwnan mi tabata haya hopi backlash y mayoria di mi atardinan mi tabata pasa cerca e counsellor paso den un manera mi actitud mester a wordo controla.

Pero bosa kico tabata pasa cu e mucha hombernan mi hendenan? Nan actitud tabata wordo celebra. Nan tabata bira prins cu pancho, nan tabata bay yuda e juffrouwnan verf cas y te ainda tin un di nan ta host e celebracion escolar di Pasco tur aña. E Yakari di 13 aña tabata cuestiona esaki. Pero e Yakari di 13 aña, no tabata conoce feminismo, e no tabata conoce

E diferencia entre actitudnan cu tabata aceptabel pa homber y esunnan cu tabata aceptabel pa hende muhe. E djis tabata su mes. Tur e preguntanan cu mi tabata tin tempo mi tabata un teenager mi twenties a encarga di contesta. Na final di dia, mi ta biba den un mundo unda hombernan por ta kico nan kier y muhenan mester ta keto. Pues e columna aki ta dedica na e muhenan brabo, esunnan pret, esunnan cu ta escandaloso, esunnan cu ta yena un luga cu nan presencia. Nan a laga sa nos ta demasiado, pero esunnan cu ta bisa esey casi nunca ta suficiente.

**UTRECHT -** Mi hendenan, nos ta akinan den e same old, same old. Nada mucho interesante pasando akibanda excepto cu tempo ta masha straño y poco dia pasa mi a kere cu mi ta na Aruba gewoon. Asina un calor den pleno october, manera cu zomer a dal un birada y cana bin bek. pero bon ban papia.

E siman cu a pasa sin nada di remarca excepto u Evelyn, Otmar y Ricardo ta muestra masha feliz banda di otro. Wel, pa bienestar di nos bunita isla ban spera nan por traha hunto berdad y saca nos pa dilanti, pasobra ami si ta loco pa bin bek. Fuera di sigui politica un poco, mi a tabata como boluntario na un evento pa scol. No solamente e tabata mandatario pa e curso cual ta Music and Artist Management, segun regla nos no tabata mag di menciona riba social media cu nos lo ta eynan. Nos no tabata mag di uza e evento pa traha conexion-

Nan a pone nos traha 18 ora gratis pa un grupo di hende cu mas placa cu nan por conta, pero bon. Mi a sobreviví y mi a pone esey riba mi lista di the things i hate about Holland cu por cierto ta bira mas largo tur dia. Awo bek na mi titulo, pasobra cu un siman sin ningun suceso mi a bay haci locual tur hende cu mucho tempo den nan man ta haci: pensa riba coy kens.

E ta berdad cu mi tin masha hopi contexto, asina tanto cu tin ora mi ta lubida. Tempo mi tabata mas hoben mi tabata conoci pa ta problematico na scol. No cu mi tabata haci maldad of bringa, pero boso mes sa Yakari nunca por a cera su boca. Yakari semper ta caba cu paz

### Advertorial:

## The Casino at The Ritz-Carlton, Aruba un ganado di e Luxury bingo standing jackpot

**PALM BEACH -** Durante e Luxury Bingo di diabierna na The Casino at the Ritz Carlton Aruba, tabata tin un agradabel sorpresa na e momento cu sr. Werleman a grita bingo dentro di e 50 yamadan pa gana e tremendo Standing Jackpot di Awg 50.000,00.

Sr. Werleman ta un fiel bishitante di e casino y en particular di e weganan di bingo.

Sr. Werleman a keda hopi contento cu e premio y a bisa cu e lo sigui bin hunga bingo pa purba di gana e siguiente jackpot.

Sr. van der Biezen, Shift Manager, y Srta. Maya, Marketing Manager, di The Casino at The Ritz Carlton Aruba, a haci entrega di e cheque y a felicita sr. Werleman cu tremendo premio aki.

The Casino at The Ritz Carlton ta gradici tur su fiel hungadonan di bingo y ta invita henter e comunidad pa asisti na e Halloween Special Bingo cu lo tuma luga riba diadomingo 29 di October cuminsando pa 1:00pm na unda lo tin 12 wega pa un total di Awg 12.000,00 na premio y cu e Standing



Jackpot na Awg 50.000,00!

Tambe lo tin diferente doorprizes. Bin pasa un rato ameno y cu hopi oportunidad di gana tremendo premionan!



# Ningun consideracion pa naturalesa na Bushiri

**BUSHIRI** - Riba e caminda di Romar Freezone bayendo direccion di Bushiri Residence, tin un caminda di santo cu aparentemente ta wordo uza manera un dump.

Hopi ta e potretnan, imagenan y comentarionan riba rednan social ultimamente riba varios area di mondi rond Aruba cu hende ta uza manera un dump. Na Bushiri tin un caminda di santo den cercania di Bushiri Residence cu a cuminsa bira un di dumpnan ilegal aki tambe. Tin tur sorto di cos benta eynan. For di sofa bieu, mashin di copia, paña di hende y te hasta bestia morto. E area aki cada pasa un tempo ta keda bira mas y mas sushi anto aparentemente ningun hende ta haciendo algo pa contene. E sushinan ta wordo benta den e mondi unda cu por mira cantidad di cosnan ta pega riba matanan y cadushinan. Cual ta refleha cu esunnan responsabel no tin ningun consideracion pa naturalesa.

## City Inspector: 'Dump no ta leu!'

Temporada di awasero a cuminsa y manera ta conoci, hopi ta e problemanan ora cu



awasero cay anto tin hopi sushi ta stroba awa pa sigui su caminda. Den un entrevista aña pasa cu Bureau City Inspector, nan a subraya riba locual a pasa aña pasa den e rooinan. Pa motibo cu hopi hende ta tira sushi den



mondi, ora cu awasero a cay biaha pasa el a stroba e fluho di awa den algun rooinan y tambe trece sushi den cura di hende. "Alaska ta leu, luna y solo ta mas leu ainda. Dump no ta leu! Bo por yega dump un manera of otro pa bo tira bo sushinan afo sin necesidad di tira esaki den mondi," Marlon Pieters di Bureau City Inspector a comenta na Bon Dia aña pasa.

Akinan el a referi na hopi hende cu ta floho pa bay tira nan sushi na dump anto ta opta cu ta mas facil tira esaki patras di nan cura of un otro caminda den mondi. Lo nos bishita City Inspector atrobe riba e tema aki mirando cu cada biaha aparentemente mas area di mondi a cuminsa transforma den mini dumpnan ilegal.



Auto-Truck-Bus-Brommer  
Trailer

**RIJLES  
HERMUS**  
RIJSCHOOL NV  
5943263 / 5826732  
Hermusrijschoolnv.com



# Turista mal herida dilanti bestuurskantoor

**ORANJESTAD** – Den weekend cu a pasa a sosode un desgracia riba L.G. Smith Boulevard, entre Bestuurskantoor y Renaissance hotel, na unda un auto a dal un turista riba caya.

E impacto tabata basta fuerte, caminda e turista a dal riba e windshield di auto, pa despues bay cay riba caya. E homber a keda seriamente herida. Un señora cu tabata presente a drenta den panico, y a cuminsa grita tur hende, te hasta personal di ambulance y e polisnan. Pero a logra di calma e señora y e a compronde e situacion. Polis di tráfico tambe tabata presente pa haci nan investigacion. E nissan silvia a wordo tuma den beslag.



## Hulandes Europeo ta bringa cu otro pafo di Gusto



**ORANJESTAD** – Den weekend cu pasa a surgi un problema pafo di Gusto. Diferente persona Hulandes Europeo cu tabata basta bebi a causa problema y a hasta bringa cu otro pafo di e club. Debi cu nan no por a controla nan mes, polis a detene dos homber y a bay cu nan warda. Ambulance a presenta pa atende cu e persona herida, segun un relato cu nos a haya.

## Auto a bolter y ranca palo di luz na Paradera

**ORANJESTAD** – Recientemente a sosode un accidente basta fuerte riba e caminda di Paradera. Un auto marca swift a perde control, bolter y a ranca un palo di luz cu transformador riba di dje. Esaki a keda ranca por completo. E chauffeur di e vehiculo a keda herida y tambe a keda pega den e auto. Cu ayudo di unidad di bombero a logra corta e auto pa asina por a saca e victima.





## Pronostico di tempo

**Alerta:** e aviso pa biento duro lo keda na vigor te dialuna 6pm...

### Tempo:

Parcialmente nubia cu localmente un awasero  
Temperatura maximo 34 grado Celsius y temperatura minimo 28 grado Celsius.  
Solo lo baha awe nochi 06:17pm y lo sali mañan mainta 06:31am.

### Biento:

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo). Den dia fuerte te duro, tin bes hopi duro den rafaga; forsa 6 te 8 (40 te 64 km/ora, 22 te 35 nudo)

### Situacion general di tempo:

Durante proximo 24 ora, humedad disponibel den atmos-


fera regional lo pone temporalmente mas nubia forma y produci un awasero breve.

Diferencianan di presion di aire den Caribe ainda ta grandi y esaki lo pone cu pa proximo dia ainda biento lo sigui supla duro te hopi duro. Den curso di dialuna pa diamars biento lo bay baha un tiki y e aviso pa biento duro lo wordo cancela.

### Condicion di lama:

Olanan di lama lo ta for di direccion oost cu haltura di 5 te 9 pia, cu e olanan di mas halto na parti oost te noordwest di nos costa.

Ta suplica usuarionan di lama y operadornan di boto chikito pa tuma nota di esaki ya cu lama lo ta bruto na cierto localidadnan.




## Accidente frontal riba caminda di Kibaima pa Rooi Bosal



**ORANJESTAD –** Recientemente a sosode un accidente frontal riba e caminda principal di Rooi Bosal pa bay Kibaima, den e birada skerpi. Un auto nissan sentra, biniendo for di nort a bay dal frontal cu un hyundai veracruz.

E impacto tabata fuerte y a laga un persona herida. E autonan a keda basta kibra. Paramedico a presenta pa asina atende cu e victimanan, segun un relato cu nos a haya.



## Palo di luz a cay riba auto na Keito

**ORANJESTAD –** Recientemente un chauffeur den su suzuki van blanco, a haya un susto grandi ora cu un palo di luz banda di caminda a cay riba su auto.

E waya nan di coriente cu voltahe halto a cay riba su auto, y esey a pone cu e no por a sali for di su auto. Polis a cera full e caminda pa ningun hende yega cerca. E Brandweer tabata riba un standby si algo bay robes. Elmar su personal a yega pa asina corta e coriente y asina e chauffeur spanta por a sali for di su auto.





*Ilustrado Jowy Maasdamme:*

## ‘E positivo di pone bo trabou como artista online ta surpasa e negativo’

**ROTTERDAM** - Originalmente naci na Hulanda, e ilustrado Joanne Maasdamme a bin Aruba, studia na Colegio Arubano y despues bay bek. Den e entrevista aki e ta conta Bon Dia Aruba tocante su conexon cu e isla, su trabao como ilustrado y e beneficianan di pone su ilustracionnan riba plataformanan social.

Maasdamme ta conta cu inicialmente e cu su famia a muda bay Aruba tempo e tabata tin 12 aña y aunke e ta describi su relacion cu Aruba manera un teenage love affair. E tabata haya su mes den problema constante pasobra e tabata un hoben cu semper a expresa su mes.

“Na Aruba, e ta sinti manera cu bo ta den un camber . Of bo ta pas den e camber ey of no.

Tur cos tabata pasa den grupo y mi no tabata fanatico di esey, di haci mescos, pensa mescos, bisti mesun cos. Mi no por a deal mucho bon cu e idea di autoridad tampoco pues nan tabata mandami rectoraat hopi pasobra mi tabata mucho mon-



dig. Pero mi problema mas grandi tabata cu e tempo nan aya, no tabata tin mucha luga pa hobennan cu ta creativo.” E ta subraya.

### Sigui su pasion

Segun Maasdamme el a nace cu un potlood den su man. Ora a yega ora di kies un estudio, e kier a bay un academia di arte pero su tata a bis’e cu e no lo conta cu su sosten si e no e studia algo cu mas peso pasobra ilustracion tabata djis un hobby. E ta comenta: “Mi a scucha di mi tata, mi a studia ley y mi a caba esey tambe. Pero un dia mi a lanta mi a ripara cu mi tabata haciendo e mesun trabao cu mi tata tabata haci. Mi a wak mi mes y puntra mi mes ‘Ki bo ta haciendo?’ y mi a kita. Despues mi a bay un exposicion cu mi ruman muhe pa mostra algun di mi ilustracionnan.

E anochi ey mi a haya un comision di Blend Magazine y mi a gana e talent of the night award. Desde e dia ey e comisionnan pa ilustracion a wordo drenta. Mi a cuminsa mi propio negoshi. Di un manera mi ta agradecido cu mi tin un background den ley pasobra ora mi ta traha cu clientenan grandi misa unda mi ta para desde e perspectiva legal. Como artista bo tin cu ta negociante tambe den mayoria di ocasion, pues e ta importante pa sa bo derechonan”.

**Online**



Den pasado un compania grandi a yega di horta Maasdamme su ilustracionnan y genera entrada cu nan. Despues di a haya hopi e-mail di hende cu nan a wak su trabao na Bijenkorf, Maasdamme a tuma accion y lanta un caso contra e compania. Maasdamme ta splica

cu como artista, e no ta facil pa bay contra companianan grandi specialmente ora nan tin hopi placa, pero ainda asina e beneficianan di crea un plataforma online ta hopi mas positivo.

“E magia di ta online ta e conexonnan cu bo ta cera cu hende. Tur hende ta facil pa

aserca, bo djis mester durf di puntra. E echo cu mi ta mondig ta yuda mi online. Bo mester tin bon intencion y ta sabi con bo ta uza e plataforma. Proteha bo trabao y no tene miedo di pone hende para stret. Tin ora hende ta tuma mi ilustracionnan y pone nan como display ofzo. Mi ta bisa nan di biaha cu nan mester duna mi credito como ilustrado. Semper, semper mester duna e artista su credito. E ta fastioso, pero bo mester ta riba dje. Fuera di esey bo tin cu siña laga los tambe. Si hende copia bo of purba di horta di bo, bo tin cu comprende cu nan por copia bo trabao pero nan no por horta bo vision. Ora bo ta paga un artista, bono ta paga solamente pa su arte bo ta paga pa su vision tambe y esey ta algo cu niun hende por kita di bo” Maasdamme ta finalisa.

# Eat Win and Train!

Buy any **Fresh Buzz Meal** and get a chance to win a month's membership with a personal trainer every week!

**Fresh Buzz Meals:**  
Turkey Breast • Turkey Breast & Ham  
Roast Beef • Subway Club® • Black Forest Ham  
Sweet Onion Chicken Teriyaki  
Oven Roasted Chicken

**Make it a meal!**

**SUBWAY®**  
Fresh Buzz

**Veggie Delite®** **SIX"**

**PUREIT**  
STUDIO  
FUNCTIONAL TRAINING  
ARUBA

SUBWAY FRESH BUZZ® is not a diet program. Visit subway.com for full nutritional information. Additional charge for extra ingredients. ©2017 Subway IP Inc. SUBWAY® is a registered trademark of Subway IP Inc. Images for illustrative purposes only.

**CURA CABAI - DAKOTA - SANTA CRUZ - PARADERA - SEAPORT - ALHAMBRA - PALM BEACH**



# A lansa oficialmente di Aruba Doet 2018

**ORANJESTAD - Recientemente a tuma luga e lansamento di Aruba Doet 2018. CEDE Aruba hunto cu Oranje Fonds lo organisa lo organisa pa di seis biaha e evento boluntario mas grandi na Aruba, Aruba Doet dia 9 y 10 di maart 2018.**

Durante e lansamento di Aruba Doet 2018, director di CEDE Aruba, Daniel Tecklenborg, hunto cu e coordinadornan di Aruba Doet 2018, Marieke Dijkman y ThixianneW-ever a duna un presentacion cortico tocante Aruba Doet. Tambe a presenta e grupo di coordinador y embahadornan cu lo sostene e organisacionnan social cu nan proyecto pa Aruba Doet 2018 y stimula henter comunidad pa pone man na obra pa un of parti di dia boluntariamente.

Durante di e evento aki tabata tin di diferente fundacion presente entre otro, scol, centro di bario, centro di cuida, club di deporte, grupo di scouting.

Despues a rifa diferente premionan bou di e organisacionnan presente. Premionan cu e organisacionnan por haci uzo di nan riba e dianan di Aruba Doet 2018.

Premionan cortesia di Kooyman, SubWay, Pico Bello, Aruba Aloe y Maggy's Aruba.

Pa mas informacion tocante Aruba Doet 2018 por bishita e website di Aruba Doet [www.arubadoet.com](http://www.arubadoet.com) of sigui nos riba Facebook. Tambe por tuma contacto cu e team di Aruba Doet na 582-7666 of manda un e-mail na [info.arubadoet@gmail.com](mailto:info.arubadoet@gmail.com)





**Happy Birthday!**



**ORANJESTAD** - Awe dia 23 di october 2017 e juffrouw balente di cas Jescarine Maduro ta cumpli 23 aña. E ta ricibi hopi pabien di su mayornan Oscar y Jessica, di su rumannan Jesselaine y Jesmiraine, di Mama y Papa, di Tanchi y Greg, di su primanan Jennelaine y Jenneviene, di su primito Jehnick, di Wela, di Welo y Annie, di su Padrino y Madrina y di demas famia Vrolijk, Maduro y Yarzagaray.

### Advertorial

## N.V. Elmar ta sostene desaroyo den tecnologia y innovacion cu Tech Playground

**ORANJESTAD** - Dia 27 y 28 di October lo tuma luga e grandioso ATECH Conference, unda cu Aruba lo ricibi bishita di oradornan internacional cu lo comparti nan idea, pensamiento y experiencia riba diferente area di tecnologia, entrepreneurship y innovacion.

Durante e conferencia tin un seccion completamente destina pa developers y innovators, patrocina pa N.V. Elmar, unda cu por wak con innovators ta desaroya diferente tipo di tecnologia. No solamente bishitantenan por wak pero tambe por desaroya conhuntamente cu tur compania presente. N.V. ELMAR ta sumamente impresiona cu iniciativanan manera ATECH y Tech Playground, unda conhuntamente cu Brenchi's LAB ta stimula mas hende pa desaroya tecnologia y alabes comparti conocimiento y practica. Pa e motibo akinan N.V. Elmar ta demostra su sosten y respaldo na ATECH su Tech Playground, PL<Y.

### N.V. Elmar y Innovacion

N.V. Elmar ta un compania estatal cu ta conoci pa distribucion di coriente, pero durante e ultimo añanan ta dedica na crea productonan nobo y tambe redefini eficiencia den energia y consumo. N.V. Elmar recientemente a lansa Smart Pre-Paid Meter unda cu meternan pre-pago di cas por comunica cu e sistema di N.V. Elmar y di e manera aki

hacie posibel cu usuarionan pa medio di nan telefon of tablet por controla y coordina nan propio consumo di coriente. Esaki sigur ta un innovacion remarcabel.

Un otro proyecto pa stimula innovacion y sostenibilidad den nos comunidad ta e impactante E-TREE. Esaki ta un estructura conoci como un Solar Artwork cu den e caso aki ta den forma di nos fofoti, unda e foyonan ta den forma di panelnan solar. Na e E-TREE por sinta relaha y na mes momento recarga telefon. Actualmente tin 3 E-TREE, na San Nicolas banda di Oficina di ATA, Plaza Padu, y na yegada di crucero.

### EV Charging Station

Por a tuma nota for di algun tempo cu N.V. Elmar ta stimula uzo di Autonan Electrico. A desaroya un EV Charging Station na Elmar Hato, unda cu doñonan di auto electrico por recarga nan vehiculo den un tempo hopi lihe.

Durante ATECH su Tech Playground conoci como 'PL<Y' bishitantenan por bishita booth di N.V. Elmar pa ricibi mas informacion tocante desaroyo di tecnologianan nobo den energia. N.V. Elmar ta orguyoso di por forma parti di un conferencia renombra, ATECH, y na mes momento contribui cu Tech Playground, PL<Y. Pa mas informacion encunto ticket y schedule di e conferencia por bishita [www.atechconference.com](http://www.atechconference.com) of bishita Co.Lab Workspace na Dakota.

**ELMAR**  
Redefining Energy

**N.V. Elmar lo forma parti di PL<Y.**

**REDEFINING THE FUTURE OF ENERGY**

**N.V. Elmar conhuntamente cu ATECH ta invita tur 'developers' y 'innovators' pa asisti Diabierna 27 y Diasabra 28 di October na ATECH Conference.**

**Bishita e TECH PLAYGROUND y desaroya tecnologia.**

**Tickets obtenibel riba [www.atechconference.com](http://www.atechconference.com) of na Co.lab Workspace na Dakota**

**ELMAR** **ATECH\***



## Rene Postma ta logra un tempo di 1.50.50 na Ecuador



**ORANJESTAD** - E Tri-atleta Renze Postma ta logra un tremendo tempo den e weganan di U23 Puerto López CAMTRI Triathlon American Championships na Ecuador.

E atleta Arubano, Postma a marca un tempo di 1.50.50 cual ta un tremendo tempo registra. A participa un total di 65 participante y aki ta na unda Renze Postma a logra finalisa entre 38 - 40 lug. Esaki ta segun relato publica pa 297Sports.



## Aruba ta derota El Salvador 13-3

**ORANJESTAD** - Recientemente e grupo di baseball cu a biaha pa Nicaragua ta haciendo un bon trabou den e weganan. Awe Aruba a logra victoria importado den e Pan Americano di baseball U12 na Nicaragua.

Aki ta unda cu e team di Aruba den e di tres wega a sa di derota El Salvador cu e score final di 13-3.

## Aruba lo competi den e campeonato mundial di domino

**ORANJESTAD** - Recientemente Aruba Domino Bond a wordo invita pa Federacion Internacional di Domino pa asina participa den e weganan Mundial di Domino 2017. E aña aki weganan lo tuma luga na nos hermana isla di Corsow. Aruba Domino Bond tin su seleccion prepara pa e campeonato mundial aki.

Pa varios aña Aruba ta afilia na e federacion mundial di Domino. Den e ultimo 3 añanan, Aruba a sa di participa cu resultadonan sumamente satisfactorio obteni den e campeonato mundialnan aki, e dos ultimonan a wordo teni na San Juan, Puerto Rico y Orlando, Florida. Mester bisa cu Aruba lo biaha cu un delegacion di 22 hungador, den cual algun sumamente experiencia cu den pasado ya caba a competi den tres Mundial. Banda di e participacion, Aruba Domino Bond lo atende varios compromiso na e Campeonato Mundial aki.

Presidente di Aruba Domino Bond, Soraida Boekhoudt, conhuntamente cu Vice-presidente Andy Farro, y tesorero Anthony Trimon lo ta atende varios reunion y curso durante di e Mundial. E congreso anual di e federacion mundial di domino, FID lo wordo atendi pa presidente di Aruba Domino Bond, sra. Boekhoudt.

Durante di e congreso aki lo eligi un president nobo pa e Federacion Internacional di Domino. Tambe lo tin votacion riba e siguiente cede di e Campeonato Mundial 2018, cu lo tuma luga of na Santo Domingo, of na Rusia.






*Lotto, AVB y ASU a uni pa sostene*

# Buki 'Historia di Futbol di Aruba'

ORANJESTAD - Fundacion Lotto pa Deporte (FLpD), Arubaanse Voetbal Bond (AVB) hunto cu Aruba Sport Unie (ASU) a anuncia un buki di historia di futbol na Aruba. E autor di e buki ta Francisco Vrolijk, kende a acerca AVB cu e idea pa lansa e publicacion, pa cual e organisacion di futbol a acepta mesora. A acerca e partnernan strategico, Fundacion Lotto pa Deporte y Aruba Sport Unie pa hunto nan carga e gastonan. E historia completo ta entre aña 1909 pa aña 1959, segun un relato cu nos a haya.

Sr. Figaroa a conta cu desde aña 1999 el a cuminsa compila informacion y storianan di futbol local. E tabata duro, paso-



bra nunca ningun hende a skirbi detayadamente. Mester a bay bek den corantnan, cu ta yega te na aña 1940. Mester a biaha pa Corsou pa pasa den corantnan mas bieu, manera Amigoe di Corsou. A bay Baranquilla, Colombia pa verifica algun informacion adicional.

Tambe a haya informacion na Hulanda for di Koninklijke Bibliotheek.

“Loke a inspira mi, na 1999, tabata ora cu internet a yega Aruba. Mi mes no tabatin computer. Un cuña tabatin computer y internet. A bay busca informacion riba internet di baseball y futbol. Ey a topa cu un website special cu storia di futbol di casi tur pais di mundo, resultadonan, campeonan, torneonan internacional, y mas.

Pero di Aruba no tabatin nada. Ma pensa di busca tur e informacionnan aki pa asina suministra e websitenan ey pa Aruba tambe por participa den e banco di dato. Nilo Croes, cu e tempo ey tabata presidente di AVB, a duna mi e idea e ora pa en bes di mand’e riba website, pa e publica un buki”, asina Francisco Figaroa a conta den su mesun palabranan.

## Sv Britannia ta empata cu La Fama 1-1

ORANJESTAD - **Recientemente SV Britannia / Total Finance a hunga su prome wega di campeonato 2017/18 contra di La Fama na CD Guillermo Trinidad, segun un relato cu nos a haya.**

E aliñacion di Britannia Bright Bakery tabata como lo siguiente; Arhur Werleman, Rodymar Paesch, Carl Geerman, Glembert Kock, Luis Murillo, Niño Ulises, Renier Paraez, Cristian Navarro, Myron Carrion, Wim Hoosthoek y Hugo Martina. E wega a cuminsa ariba un velocidad halto y ta Cristian Navarro cu ta comete un foul net pafo di 16, y referee ta duna La Fama un free kick. E free kick ta wordo cobra y e cuero ta suta den lata y akinan Sylvester Schwengle no ta pordona y ta manda La Fama ariba na di 5 minuut di wega. Britannia/ Vitamalt ta reaciona mes ora y ta na di 12 minuut cu Renier Paraez ta bay laga ariba banda robes y ta crusa e bala pa Hugo Martina, kende no ta pordona y ta empata e wega 1-1. Den di dos tempo Britannia Frisian Flag ta haci algun

cambio y Britannia ta pasa na domina e wega pero no ta logra anota e gol di victoria. Nos mester menciona cu actualmente e miho medio campo cu tin na Aruba ta Johnatan Ruiz, Luis Estrada, Renier Paraez y Niño Nuñez. Tambe den Britannia nos por a wak e hobenan Myron Carrion, Cristian Navarro, Carl Geerman y



E buki lo ta na color y ta contene no menos di 310 pagina, cu mas o menos 250 potret y lo imprimi e publicacion na Imprenta Panamericana na Bogota, Colombia. E intencion ta pa despues skirbi un di dos edicion cu e historia di aña 1960 pa awor. Sheila Werleman a yuda den e layout pa garantisar un buki di calidad. Ta premira cu na comienso di december e buki lo sali.

Richard Dijkhoff, presidente di AVB a sigura cu asina cu Francisco Vrolijk a presenta e idea na dje, cu el a aproba mesora.

“Esaki ta tipo di proyectonan cu nos kier aporta na dje mesora, pasobra e ta engrandece nos deporte, e ta percura pa no lubida nunca di unda nos a bin y ta corda nos di e caminda largo cu futbol a cana, pa nos por ta awe unda nos ta”, segun sr. Dijkhoff.

Di-Stefano Wernet RA a bisa: “Nos ta masha orguyoso, specialmente pa a forma e aliansa strategico den deporte di futbol, pasobra e ta hopi importante pa nos pais. Den pasado a marca historia y nos ta cla pa sigui marca historia.

Deporte no ta solamente practica, sino estudio tambe. Ta importante pa sa e historia di e deporte, pa Bo sa di unda a bini pa por sa unda kier bay. Lesa ta laga bo bay padilanti.”

Gerald Franca, presidente di ASU tambe a muestra su satisfaccion pa e publicacion aki. El a bisa cu ASU semper tabata uni cu AVB, no ta pa casualidad cu e prome presidente di AVB tabata e prome presidente di ASU tambe. Futbol a marca historia den pasado y ainda ta sigui marca historia.

E publicacion, segun sr. Franca, ta contene detayenan importante den historia di futbol di Aruba, manera na aña 1952 na Helsinki, unda un Arubiano a score un gol pa e ekipo Antiano. “E buki aki ta un aporte na enriquece e deporte rey Futbol”, asina Jerry Franca a bisa.



## Endy Croes ta cera amistad cu Diputado di Panama 'Benicio Robinson' na WBSC

**ORANJESTAD** - Recientemente Endy Croes, presidente di Aruba Softball Bond, a representa Aruba na Congreso Mundial di World Baseball and Softball Confederation (WBSC), cual a tuma luga Africa. Sr. Croes a topa cu presidente di Federacion di Baseball Panameño, esta Benicio Robinson cu alabes ta presidente di Partido Revolucionario Democrático di Panama y tambe ta actual Diputado na Panama, segun un relato cu nos a haya.

Durante e Congreso aki tambe tabata tin diferente lidernan político cu ta asocia nan mes cu deporte. Dia 30 di october 2016 tabata tin eleccion pa e Comité Ejecutivo Nacional di Partido Revolucionario Democrático, unda sr. Robinson a bolbe wordo reeligi como presidente di e partido.

Mediante deporte nos a logra hiba combersacionnan hopi interesante riba temanan político cerando asina un bon amistad pa futuro. Panama sigur tin hopi pa brinda.

Networking ta keda algo importante y por tuma nota con mediante deporte, portanan ta habri pa aporta na bo pais den tur sentido di palabra.

A keda palabra cu Benicio Robinson y Endy Croes lo bay tin un encuentro den luna nan nos dilanti pa asina por elabora extenso riba diferente tematico entre otro deporte.



## Playoff HEINEKEN di Aruba Softball Bond AA den recta final

**ORANJESTAD** - E Campeonato HEINEKEN di Aruba Softball Bond (ASB), dedica na dos baluarte Bertha Wolf Croes y Eugenio 'Tan' Helder ta den su recta final. Den categoria AA equiponan cu a clasifica 3 y 4 a enfrenta otro den un serie di best out of 3, segun un relato cu nos a haya.

Recientemente Sputters y Balashi Premuim a splits nan serie, unda cada un a gana un wega pa empata e serie 1-1. Ayera (dialuna) tabata tin e wega decisivo riba veld di Dragon Hitters.


E ganado cu no ta conoci ainda na nos matutino, lo continua pa e siguiente serie mientras e perdedo lo yama ayo na campeonato 2017 y mester busca su suerte otro aña den e campeonato 2018, cual ta premira cu lo bay ta un campeonato pisa. Mayan, diamars dia 24 di october e siguiente buelta di playoff lo inicia.

Pizza Hut Monsters kendenan a perde 2 wega contra Royal Power den e prome tanda di playoff siman pasa, lo hunga un serie nobo di best out of 3 contra e ganado di dialuna, esta contra e ganado di Balashi vs Sputters.

E ganado di e serie di Pizza Hut Monsters cual lo inicia dia-



mars lo pasa pa final pa enfrenta Royal Power Tat Fat den e serie final di best put of 5, pa disputa pa e corona maximo, esta champion di Aruba.





MEP:

# ‘Prome briefing di formado na gobernador’

**ORANJESTAD - Diabierna mainta, Formado di proximo gobierno di Aruba, Evelyn Wever-Croes a bishita gobernador di Aruba pa un briefing como tambe entrega gobernador un copia di e Acuerdo di Formacion cu a wordo firma diamars ultimo. Esaki ta un palabracion cu a wordo haci cu un biaha pa siman lo mantene Gobernador na altura di e avance di formacion.**

Na su salida, el a wordo ricibi pa prensa y a informa den detaye e avance nan cu tin den e siman aki pa locual ta trata e diferente fasenan cu mester wordo trata prome cu yega na un gobierno stabiel. Sra. Wever-Croes ta bisa lo siguiente:

“Despues di a firma e Acuerdo di Formacion diamars ultimo, nos ta den e fase di e programa. Esaki ta un proceso cu ta tuma su tempo. Tur tres programa a wordo poni banda di otro pa asina compara nan y discuti tur e visionnan di cada partido. Logicamente tin algun diferencia entre e tres programanan y p’esey ta necesario pa atende cu e puntonan aki prome cu nos drenta den un gobierno hunto”.

Sra. Wever-Croes a enfatisa cu e tres partidonan a yega na e acuerdo pa traha riba e puntonan di gobernacion y palabracionnan concreto prome cu bay scoge e ministernan cu lo atende e diferente carteranan.

“E motibo di esaki ta cu nos ta bay tin un gobierno di coalicion. Por lo tanto lo bay tin carteranan cu lo no bay ta di MEP pero si nos kier pa nos vision ta

den e programa. Y esaki ta mescos pa e dos otro partidonan. Pa e motibo aki ta importante pa nos pa yega na palabracionnan concreto riba e programa y acuerdonan riba e puntonan cu ta mas principal prome pa despues sigui pa e fase di reparticion di carteranan.

Esaki ta trece mas estabilidad den un coalicion pasobra di adelanta cada ken sa e encargonan di nan ministerio”.

Pa yega na e acuerdonan y palabracionnan aki, ta importante tene cuenta cu varios puntonan. E prome ta e vision di loke bo kier logra den 4 año. Esaki ta wordo detaya den e programa di gobernacion.

Nos ta palabra con nos ta bay traha cu otro. Tambe nos ta palabra e cantidad di personal cu un minister por tin pa traha cu ne.

Y asina aki, nos ta trahando pa wak kico mas nos por palabra pa nos tur ta den mesun linea den gobernacion. Nos ta spera cu nos keda cla cu esaki den e siguiente oranan pa asina nos firma e Acuerdo di gobernacion mas pronto posibel”.

Pa loke ta trata e particion di carteranan, sra. Wever-Croes ta laga sa cu ainda no a yega na e fase aki. Unabes cu firma e Acuerdo di Gobernacion, lo cuminsa cu e fase di reparticion di carteranan sigui pa e screening manera nos landsbesluit ta exige.



Ministro di Husticia ta anuncia cu entrante **24 oktober 2017** segun Ley di Molestia, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion y anexo cu a ser haci pa obtene **un instalacion pa un tanki di gas (100 gallon)** na **J.E. Irausquin Boulevard 266, lokaal R**. Durante dicho periodo aki tur hende por expresa por escrito nan obhecion contra dunamento di e permiso menciona, dirigi na e Ministro di Husticia, via director di Departamento di Legislacion y Asunto Huridico, Schotlandstraat 53.

**STORK®**

**HEAVY EQUIPMENT DIESEL MECHANIC VACANCY**

**Stork Wescar Aruba NV** a subsidiary of **Stork NV** and a leading Construction & Maintenance Company that services the “**Oil & Gas and Power Industry**” is currently looking for a **Heavy Equipment Diesel Mechanic** to join our garage / equipment maintenance department.

Next to a wide range of development opportunities **Stork Wescar Aruba NV** offer a competitive salary with a good secondary package.

The diesel mechanic is responsible for the performing of preventative, predictive & corrective maintenance on its equipment, like; cranes, forklifts, compressors, trucks, welding machines, vehicles etc. Daily preventative maintenance duties include changing of oil, filters, replacing of damaged components and any other defective engine parts. The diesel mechanic is also responsible for trouble shooting of the equipment failure and the execution of hydraulic, mechanical and/or electrical repairs.



Minimum requirements;

- Candidates must have at least 10 years of experience in maintenance work on diesel powered equipment (cranes, trucks, etc) as well on gasoline vehicles in a shop environment, with the ability to perform both corrective and preventative maintenance.
- Candidates must have a technical and/or Mechanic education (LTS, MTS or equivalent).
- Applicants must be locals and/or candidates with permanent work and residential permit.

- Knowledge in working with equipment and part manuals.
- Work schedule is from Monday through Friday.
- Most have a valid driver license
- Candidates must be willing and able to work overtime and/or in shifts as required.

If you recognize yourself in the above-mentioned profile and are looking for an interesting job, please submit your application to Stork Wescar Aruba NV office at Cura Cabai 137A to the attention of Eddy Ferreira; Logistic coordinator, E-mail [wescar@setarnet.aw](mailto:wescar@setarnet.aw) Please include copy of your diplomas and curriculum vitae with your application



is a member of the Stork Group.



*Marlon Sneek (AVP):***‘Politiconan kier duna presupuesto supletorio un nificacion erroneo y sin sentido’**

**ORANJESTAD - Den e proceso di formacion di un gobierno nobo, ta na su lugha pa aclaria observacionnan cu ta ser haci pa politiconan involvi y caminda ta duna informacion incorrecto na comunidad.**

Parlamentario di fraccion di AVP, Marlon Sneek ta muestra cu ta na su lugha pa atende algun punto cu sigur ta colgando eyfo y ta importante pa hala liña stret y pone tur cos cla pa ningun hende duda of pensa cu nan por tuma comunidad haci cham-bon.

“Nos por a scucha e hendenan aki papia riba presupuesto supletorio caminda ta ser muestra cu ainda falta presupuesto supletorio pa bin y ta muestra cu gobierno di AVP lo a gasta di mas y un biaha mas ta cuminsa specula, crea un fantasma eyfo sin bisa pueblo kico un presupuesto supletorio ta.

Sigur ora cu nos mira e cuentanan anual cu a drenta caba despues di 2014 caminda nos a buta normanan cu nos ta bay cumpli cu nan, pa loke ta nos debe en comparacion cu nos GDP, caminda unaves bo bin c’un presupuesto supletorio, loke cu por pasa den e presupuesto supletorio aki, talbes un proyecto cu no a wordo ehecuta, bo ta mira cu e placa ey no a wordo gasta of un caminda cu tabatin un overtime cual a tuma lugha caminda a gasta mas cu den e caso aki e luna of aña ey, bo por mira cu e placa aki ta bin bek.

Pero no tin cu lubida cu nos ta traha cu normanan, loke ta nifica cu ora cu bin cu e presupuesto supletorio bin, esaki ta un presupuesto cu ta bay keda neutral y por mira un ‘verschuiving’ di un post pa otro pero bo no ta mira c’un gobierno a gasta mas di locual el a presupuesta manera cu si tabata e caso cu a pasa den gobierno di MEP. Di esaki tin prueba caminda nos a haya un ‘raming’ den e presupuesto di 2009 cu a wordo entrega dia 29 di october, un paar di dia prome cu e gobierno



di Nelson Orlando Oduber a bay cas e tempo ey, caminda nos por mira e asina yama “financie gevolgen” cu ta muestra lo siguiente:

“gelet op de omvang van de tegenvallers binnen zowel de kosten als de middelen sfeer, is het niet mogelijk gebleken om het toenemende financierings tekort zonder het aantrekken van additionele financiële middelen, te kunnen compenseren.”

Esaki a nifica cu mirando cu loke gobierno di MEP presupuesta e tempo ey, e presupuesto fantasma cu nan tabatin, cu no a duna e placa cu nan a pensa cu lo bay duna y ta ser muestra cu mester ‘trek aan additionele financiële mid-delen om tekunnen compenseren.’

Na mes momento e rapport ta muestra cu “het financiële tekort neemt per saldo met 97.5 miljoen toe” loke kiermen cu na 2009 ora cu e presupuesto supletorio a bin Staten, e prome trabou cu mi persona a haya ora cu mi persona a drenta Parlemntario na 2009 tabata un presupuesto supletorio cu a bisa cu nan tabatin 97.5 miyon florin cu gobierno di MEP a gasta di mas sin cu nan tabatin ‘dekking’ pa esaki y mester a bay over na fia.

“Het financiële behoefte wordt 255 miljoen florin in plaats van 157.5 miljoen florin, pues el a bira 97.5 miyon florin cu nan a gasta y e ora nan a bin Parlamento pasobra nos ta mira

e nota cu gobierno di MEP a entrega, cu ta muestra cu e tabata 1.189 biyon florin y nan a gasta oficialmente 1.209 biyon florin, pues 97 miyon florin di mas a wordo gasta na 2009 y awor nan ta bin cu speculacion cu mester bay wak na unda a gasta e placa esaki, si lo aproba esaki.

Pues un biaha mas ta bin specula riba cosnan ridiculo caminda un presupuesto supletorio cu ta existi, cu no ta nada nobo y cu semper nos a uza den Parlamento di Aruba caminda na final di aña bo ta bin pa coregi bo presupuesto, caminda bo a uza un presupuesto y cu por ehempel bo no tabatin e dekking pa esaki, ta bin haci un cambio dor di entre otro bo tabatin un gasto y bo no a haci e gasto ey, e sumanan ey bo ta uza.

Pero den e caso na 2009 nos por a mira cu nos ta papiando di un ‘overschrijding’ caminda gobierno di MEP a gasta 97 miyon florin mas cu loke nan a presupuesta.

Ta tristo ora cu nos scucha e tipo di comen-tarionan cu ta bin dilanti, sigur dor di hendenan cu tin hopi aña den politica y kier hunga riba sentimento di pueblo y crea algo cu no ta existi”, sr. Sneek a expresa.

Segun sr. Sneek, e ta a muestra cu den e cuenta anual di 2016 por hasta mira cu a sobra placa cu a resta dor di gastonan cu no a wordo haci pa gobierno.



### **OPEN POSITIONS ACCEPTING APPLICATIONS**

Brickell Bay Beach Club & Spa is currently accepting applications for full-time restaurant staff at Joe's & Guiseppe restaurant.

#### **WAITERS / BUSSERS / KITCHEN COOKS**

#### **Basic Work Requirements:**

- Minimum 1 year previous restaurant experience.
- Good communication skills in Papiamentu, English and Spanish
  - Must be able to work shifts, day & night shift.
  - Must have legal work status in Aruba

*Joe & Guiseppe*  
Restaurant



Applicants must apply in person at Brickell Bay Beach Club & Spa hotel located at J.E. Irausquin Blvd. 370 or email resume to nadia@brickellbayaruba.com

*The donkeys have moved to...*  
**BRINGAMOS!**

**DONKEY SANCTUARY ARUBA**

For directions or information: [www.arubandonkey.org](http://www.arubandonkey.org)  
or call 593 2933





## Kooyman cu tayer special pa accion breast cancer Mary Joan

**ORANJESTAD** - Recientemente Kooyman ta duna un tayer pa asina conscientisa pueblo en general di cancer na pecho. E tayer aki a wordo duna na Kooyman mes. Aki ta e tayer a wordo duna den 4 sesion di cual cada seccion por a haya 50 participante.

E participantenan mester a traha nan mes un Light up your path jewelry box.





## ATECH ta anuncia nan conferencia di tecnologia y innovacion

**ORANJESTAD** - Pa di tres aña consecutivo ATECH lo organisa e conferencia di tecnologia y innovacion pa profesionalnan local. E evento aki lo ta dia 26 pa dia 28 di october, y lo pone enfoca riba e importancia di tecnologia den negoshi y bida diario pa un empresario, segun un relato cu nos a haya.

Varios companianan na Aruba a inverti den nan empleado pa 3 dia di inspiracion, tayer y 'learning'. ATECH lo trece varios speakers y investors internacional, manera John Henry di Harlem Capital Partners, Justin Hallsal di IBM, y Rosabell Illis, un profesional y artista local na Aruba pa forma parti di ATECH Conference 2017. Empleadonan lo conoce e 'latest trends' mundial den marketing, blockchain, internet of things, coding, e-commerce y mucho mas via varios tayer y break-out sessions.

Segun un estudio haci door di Gallup Research, a resulta cu companianan cu dicidi di inverti den nan empleadonan su desaroyo, e chance ta mas grandi cu nan lo keda fiel cu e compania pa gran parti di nan carrera profesional. Compania cu ta haci esaki cu frecuencia, ta companianan cu ta wordo renombra den e lista di Fortune's 'Best Companies To Work for List', manera Google, Cisco y Adobe.

ATECH Conferencia sigur lo bay ta un evento pa tur esunnan cu kier sa kico ta e ultimo trends den tecnologia, innovacion, transformacion digital, pero tambe cu kier wordo inspira.



## Invitacion pa e aparicion di Mama Maria

**ORANJESTAD** - Grupo di oracion Catolico 'The Voice of Jesus' ta invita henter pueblo di Aruba pa e aparicion di Mama Maria diaranson awor dia 25 october, na Koyari.

Pa 8.00 di anochi nos lo bay tin e Santo Rosario prome y durante e Santo Rosario, Mama Maria ta aparece.

Pa es motibo laga nos tur bini pa nos por ricibi e bendicion y e gracia di Mama Maria y pa nos por trece mas tanto hende cu ta posibel, specialmente enfermonan.

Laga nos duna Mama Maria, 'La Birgen di Gracia' di Aruba, e amor y e honor cu E merece, demostrando nos presencia na Koyari.

## CINEARUBA ta presenta su programa cultural pa november

**ORANJESTAD** - CINEARUBA ta organisa un biaha mas e evento di Rooftop Film Club na Academy of Fine Arts and Design pa luna di november. Lo tin e presentacion di 'Heidi', un pelicula masha special pa hopi.

Ta trata di e version den imagen real di e anime Hapones 'Heidi' cu tabata masha popular na television. E pelicula a wordo filma na Suisa cu actornan real interpretando tur e personahenan manera ta

conoci den e anime series.

Rooftop Film Club y Shortcutz Aruba ta forma parti di fundacion CINEARUBA su programa socio-cultural pa medio di manifestacionnan cultural entre otro cine. (Cine ta arte y arte ta cultura).

Tur esaki ta representa cultura tangibel cu ta contene un inventario di seńanan y simbolonan. Seńanan y simbolonan cu ta indicadornan poderoso di e balornan di un sociedad. Por ehempel e storia,

idioma, uzo di acesorio of decoracion di escenario den e pelculanan di e 'Talentonan Emergente' di Shortcutz Aruba ta refleha e balornan social di comunidad.

Ademas cu Shortcutz Aruba ta representa Aruba su cultura tangibel, tambe e proyecto ta brinda na e 'Talentonan Emergente' un plataforma cu e posibilidad di por yega te Hulanda, Portugal, Alemania, Brazil of Hong Kong. Shortcutz Aruba ta forma



parti di un network grandi di cual Aruba ta esun prome den region. E network ta ofrece conexion pa medio di Shortcutz Aruba entre e talentonan emergente y e profesionalnan di e industria creativo local y internacional. Rooftop Film Club ta un proyecto unico riba su mes. Pa prome biaha por experiencia un pelicula riba dak di un edificio den un ambiente relax, comodo, unda cu den compania di famia y amistadnan, e publico por disfruta di pelculanan clasico internacional y local.

'Heidi' den Rooftop Film Club lo ta riba diasabra dia 11 di november.

Porta lo habri pa 7or di anochi y e pelicula mes lo inicia pa 7.30 pm. Luga ta Academy of Fine Arts and Design Aruba, cu ta situa na Oostrat 2, ex-Brenchie. Ticket pa 'Heidi' ta obtenibel na Basari na Ponton 76.



AHATA: *Ami ta Turismo*

# Vercellio Statie gusta pa turistanan regresa contento



**ORANJESTAD - AHATA** su programa 'Ami ta Turismo' ta reconoce esunnan cu ta traha direct y indirect cu turismo. Setar a scoge Vercellio Statie, como un 'Business Premises Expert' pa nominado di 'Ami ta Turismo'. E ta un tecnico di Setar y ta acerca clientenan na momento cu nan tin cualkier problema, di cual e mes-ter drecha esaki y lag'e optimal.

Sr. Statie tin 9 aña den servicio na Setar, unda cu el a cambia 2 biaha un funcion. Pero su trabou actualmente ta pa atende clientenan cu cualkier problema, cu mes-ter "troubleshooting" y sr. Statie ta esun cu lo presenta pa atende cu e situacion. E motibo cu el a tuma e trabou aki ta pasobra e gusta yuda hende. Ora e cherce su trabou door di yuda cliente y nota cu na final e cliente ta satisfecho, esey ta su meta principal. Setar a dun'e un bon oportunidad pa e haci loke e gusta.

Un momento inolvidabel pe ta cu turistanan, pasobra tin biaha nan ta ricibi kehonan cu nan ta rabia y nan no kier warda mas, pero ora di yega cerca e persona e storia ta completamente otro. Aki ta unda el a topa cu nan ta jolly y tin ora nan ta ofrece bo pa bin un fiesta unda nan ta y esaki ta pone cu tin biaha nan mes no sa con pa reacciona.

Un conseho cu sr. Statie tin na esunnan cu ta dreña pa traha den turismo ta: "No pensa cu ta haya un trabou pa djis haci e trabou y bay cas y

esey a caba. Pa turismo ta cu bo ta laga un bon impresion atras pa cualkier turista cu ta haci uzo di locual bo ta duna servicio y no pa akinan so, pero e turista por bay cas bek y bisa cu e servicio na Aruba tabata tremendo. Asina aki por tin mas turista cu ta bin Aruba."

Edwin Mohammed ta Manager Business Telecommunication System di Setar y ta hefe di sr. Statie, kende ta un persona y tecnico serio den su trabou. E ta un persona cu ora e termina cu su trabou, e ta gusta pa e cliente keda satisfecho cu e trabou cu el a haci. Hopi biaha ora cu sr. Statie bay un trabou, e ta den un posicion cu e tin di yuda un cliente cu problema, ora di haci esaki e kier laga un bon impresion di Setar y di

su mesun persona. Esaki ta pone cu Setar ta balora e servicio y tecnico di sr. Statie.

Clientenan a duna hopi comentario di e servicicionan di sr. Statie. Den forma di e-mail, e clientenan ta expresa nan gratitud, profesionalismo, cariño y carisma cu e ta brinda na nan. Asina cu e termina cu un trabou y e ta bay, e clientenan ta keda cu un recuerdo ameno di e bon servicio cu e tecnico ta desplega. Sr. Mohammed ta recorda cu recientemente Sr. Statie tabata na un area turistico y e tabata haciendo un trabou, pero e tabatin problema cu esaki. El a tuma contacto cu sr. Mohammed, bisando cu e ta bay check un otro cliente pasobra e servicio na e cliente no ta trahando y e kier a mira si ta algo structural of algo di cliente. Esey ta e caracteristicanan cu e ta brinda y esaki ta e parti fuerte di dje. E no ta keda na un cos so, pero e ta purba haci lo maximo posible. E mensahe di e manager na sr. Statie ta pa e sigui progresa, pa e sigui haci e bon trabou. Semper el a bisa sr. Mohammed cu e gusta yuda hende. E trabou principal di dje ta yuda e clientenan. Sigui haci asina, keda cu e mentalidad ey y sigui bay dilanti, asina sr. Mohammed a termina bisando.



**AD PATRES**  
funeral home  
*Ta participa fayecimento*

Van Rensselaerstraat 2  
Tel. 584-2299 - 7372299  
Family owned and operated  
Since 1997

"Señor ta mi wardador mi no tin falta di nada:  
Den cunucu di yerba berde e ta ponemi sosega  
E ta hibami na awa trankil pa mi bolbe haña forsa." Ps 23:1,2,3

Cu honda pena nos ta anuncia fayecimento di :



**Arturo Egberto Thijzen**

Mihor conoci como "Tuyo"  
\*24 april 1938 † 14 October 2017

Acto di entierro lo wordo anuncia despues.

Ta ricibi bishita di condolencia Diadomingo 22 october 2017  
Di 7pm -9pm na Savaneta 49

Staff y personal di Ad Patres funeral home ta extende nos mas sincero condolencia na famia di e fayecida.  
Condolencia por wordomanda riba nos website:  
[www.adpatres.webs.com](http://www.adpatres.webs.com)

## Exposicion di Waldy Simson

**SANTA CRUZ - E artista polifacetico, Waldy Simson, lo duna un exposicion special pa pueblo di Aruba. Esaki lo tuma luga den su studio, cu ta situa na Kas Ariba 28 F na Santa Cruz, segun un relato cu nos a haya.**

Durante e exposicion special aki, diferente obranan artistico di glas, papel, ceramica, pinturanan y bukinan lo wordo ofrece bou di condicionnan hopi atractivo.

Bishitantenan di e exposicion lo haya como regalo un copia di e poema 'Hoop'. E poema a wordo skirbi pa sr. Simson mes y ta dedica na Nelson Mandela.

E exposicion por wordo bishita di palabra via telefon: 562-6581/ 585-7472.





**AD PATRES**  
funeral home  
*Ta participa fayecimento*  
Van Rensselaerstraat 2  
Tel. 584-2299 - 7372299  
Family owned and operated  
Since 1997

Lagrima y Flornan por seca,  
pero su recuerdo y tur loke e la  
haci y significa pa nos  
lo keda graba pa semper den nos  
mente y curason.  
Serca Dios mi alma ta na paz, ta di  
dje mi salvacion ta bini. Salmo 62.



Cu profundo dolor na nos  
curazon y agradecido pa tur locual  
el a nifica pa nos y conforme cu boluntad di Dios, nos  
ta participa fayecimento di nos querido ruman y omo:

## Maykel Roland De Cuba

Mihor conoci como: "Maiky" of "Charly"  
\*19-10-1950 †18-10-2017

Na nomber di su rumanan:  
Vda. Carmen Croes-de Cuba y fam.  
Mena y Mario Croes-de Cuba y fam.  
Edy y fatima de Cuba-Cardozo Ribiero  
Edna de Cuba y fam.  
Rudy de Cuba y fam.  
Dennis y Roosje de Cuba-Herding  
Shirley de Cuba y fam.

Swa y Cuñanan:  
Vdo. Fefe Arends y fam.  
Sophia V. Delden y fam.

Sobrinanan stima:  
Patsy Koolman  
Geneve v/d Linde

Su preto di wowonan:  
Jeandre, Isabella, Izyquel

Su amigo: Tonito Mathilda  
Sobrina y sobrinonan, primo y primanan, amigonan,  
bisiñanan y conocirnan y demas famia  
Si en caso durante nos tristeza nos por a lubida algun  
persona of famia nos ta pidi nos mas sincero disculpa

Ta invita pa e acto di entierro cual ta tuma lugra  
dialuna 23 di oktober pa 4or di atardi na Ad Patres  
funeral home y despues saliendo pa santana Catolico  
na Savaneta.  
For di 2 or di atardi "Maiky lo ta reposa den Ad Patres  
funeral home pa condolencia y despedida.

Nos ta lamenta cu despues di entierro nos no por ricibi  
bishita di condolencia na cas.

Cu nos querido Maiky drumi dushi den brasa di señor

**Aurora**  
Funeral Home

Tel: 593-0857 / 588-6699 / 560-1403  
Fax: 588-6698

"Señor ta mi wardador, mi'n  
tin falta di nada. Den cunucu di  
yerba berde e ta ponemi sosega.  
E ta hibami na awa trankil,  
pa mi bolbe haña forsa".  
Salmo: 23



Nos ta anuncia cu a fayece  
inesperadamente:

## Priscila Carolina Hernandez

\*06-02-1973 - †18-10-2017

Acto di entierro lo wordo anuncia despues.

Adres pa condolencia: Hooiberg # 29-B di 7or pa 9or  
di anochi.

**Aurora**  
Funeral Home

Tel: 593-0857 / 588-6699 / 560-1403  
Fax: 588-6698

Señor, bo a guiami según bo  
plan y na final bo a tuma mi den  
bo gloria, Laga tur locual cu mi  
encontra na caminda ta bunita,  
laga tur locual cu mi laga atras  
keda bunita.



Cu inmenso tristesa nos ta  
participa fayecimento inespera  
di:

## Sharline Evelyn Flanegien

Mihor conoci como "Shar"  
\*28-03-1976 - †17-10-2017

Acto di entierro lo wordo anuncia despues

**Aurora**  
Funeral Home

Tel: 593-0857 / 588-6699 / 560-1403  
Fax: 588-6698

Señor ta mi wardador, mi'n tin falta di nada,  
den cunucu di yerba berde E ta pone mi sosega.  
E ta hiba mi na awa trankil, pa mi bolbe haya forza.  
Salmo: 23.1

Cu inmenso tristeza na nos curazon, pero conforme  
cu boluntad di Dios nos ta participa fayecimento di:



## Willem George Enser

Mihor conoci como: Zuurtje  
\*14-11-1953 - †21-10-2017

Acto di entierro lo wordo anuncia despues.

**Aurora**  
Funeral Home

Tel: 593-0857 / 588-6699 / 560-1403  
Fax: 588-6698

Mi ke alabá SEÑOR tur tempo,  
Su alabanza lo no kita fo'I mi  
boca, Mi alma ta gloria den  
SEÑOR, Laga humildenan bin  
tende y gosa.  
Canta grandesa di SEÑOR huntu  
cu mi, ban alabá SU Nomer tur  
huntu! Salmo 34



Conforme cu boluntad di Dios,  
nos ta anuncia fayecimento di :

## Beatrice Mariana Conquet

Mihor conoci como "Bea" of "Be"  
\*17-01-1938 - †16-10-2017

Na nomber di su:

Yiunan: Humphrey Conquet y esposa  
Mickel Conquet

Rumannan: Bila Eleonora y famia  
†Celso y Angela Conquet -Jacobs y famia  
Robertina Conquet  
Angelica Gibbs y famia  
Anna Ignacio y famia  
Jeannette Vink y famia

Nietonan: Ruben, Brandon, Ashlin, Angèle

Sobrino-y sobrinana: Joycelyne y Junior Sylvania,  
Rose-mary y Kenneth Eleonora y rumannan, Sheraida  
y Mariella Julen, Rasheedahi Tani Ignacio, Khalilah  
y Jayden Harington, Deborah y Bryan Vink, Francois  
Conquet.

Primo- y primanan: Editha Cathalina, Angel Rosina  
y rumannan, Wilma Hodge y famia, Lucio Rosina y  
rumannan, Mildred Conquet y famia, Filomena Alves-  
Conquet, Lica Brion, Mildred Rosina y rumanan,  
Lorry Rosina

Demas famia na Aruba y Curaçao : Conquet, Brion,  
Martina, Betsy, Westerhout, Wespel, Felicia, Leolina

Kier invita ex-coleganan di HHoliday-Inn, Centro di  
Bario Playa Pabao, Grupo di Oracion: Misioneros de  
Jesus, Grupo di Tai-Chi.

Acto di despedida lo tuma lugar na Aurora Funeral  
Home diamars 24 oktober 2017 di 9or pa 11or di  
aminta. Despues cremacion lo tuma lugar den seno  
familiar.

Condolencia lo tuma lugar na Aurora Funeral Home  
dialuna 23 di oktober 2017 di 7or pa 9or di anochi.

Na lugar di krans y flor lo tin un box disponibel pa  
Grupo di Oracion Misioneros de Jesus.

Despues di cremacion lo no por ricibi bishita di  
condolencia na cas.

Disculpa nos si den nos tristesa nos por a lubida  
cualquier familiar of conocirnan.

**FOR ALL YOUR FLYER  
DISTRIBUTIONS**



**Call: 582-7800**  
**email: accounting@cspnv.com**

**BONDIA**  
ARUBA

**NO CONTINUEN CU E CIFRA DI VICTIMA  
DEN ACCIDENTE DI TRAFICO**

**Pone bon TINO  
ora bo ta STUUR**







Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 22 Oct 2017 Merdia

<b>CATOCCHI</b>
Sorteo # 2014
<b>9834</b>
<b>4761</b>
<b>2394</b>
<b>BIG 4</b>
Sorteo # 2014
<b>4578</b>
<b>10FF</b>
Sorteo # 70
<b>2011</b>
<b>ZODIAC</b>
Sorteo # 2014
<b>9451</b>
<b>Capricornio</b>

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	
	<b>400.000,-</b>

<b>LOTTO DI DIA</b>	<b>06-11-22-27-29</b>
Sorteo # 4214	Proximo Jackpot
0 x Jackpot	
6 x Match 4	
66 x Afl. 8,00	
	<b>54.000,-</b>

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	
	<b>310.000,-</b>

<b>MINI MEGA PLUS</b>	<b>Afl. 410.000,-</b>
-----------------------	-----------------------

21 october 2017

22 october 2017

DIARIO 3838-7466-9015

DIARIO 2404-3113-7133

21 october 2017

22 october 2017

SUPER 9960  
4

SUPER 3861  
4

22 october 2017

Sto. Domingo 1480-8014-2383

21 october 2017

22 october 2017

SMARTPLAY CLOSED

SMARTPLAY CLOSED

DAILY CLOSED

DAILY CLOSED

FLAMINGO 5456-0647-1984

FLAMINGO 4853-2904-4038



Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 21 Oct 2017 Anochi

<b>CATOCCHI</b>
Sorteo # 6311
<b>3859</b>
<b>5105</b>
<b>7869</b>
<b>BIG 4</b>
Sorteo # 5355
<b>7935</b>
<b>10FF</b>
Sorteo # 60
<b>3330</b>
<b>ZODIAC</b>
Sorteo # 4114
<b>5305</b>
<b>Capricornio</b>
<b>KORSOU</b>
Sorteo # 1865
<b>6189</b>
<b>1787</b>
<b>9442</b>

<b>LOTTO 5</b>	<b>15-19-29-31-33</b>
Sorteo # 1839	Joker 12 Letter J
0 x Jackpot	
0 x Match 4+	
5 x Match 4	
76 x Afl. 12,00	
	<b>400.000,-</b>

<b>LOTTO DI DIA</b>	<b>01-13-21-24-28</b>
Sorteo # 4213	Proximo Jackpot
0 x Jackpot	
3 x Match 4	
89 x Afl. 8,00	
	<b>53.000,-</b>

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	
	<b>310.000,-</b>

<b>MINI MEGA PLUS</b>	<b>Afl. 410.000,-</b>
-----------------------	-----------------------



## Aries

Ta sosodiendo algo cu ta cambia bo forma di sinti pa cierto persona. Loke ta pasando riba e dia aki lo cambia positivo bo realidad dunando un buelta diferente. Number: 14, 20, 29 y 43.



## Tauro

Loke bo bisa of haci awe lo por tin repercusion. Bo sentimentonan ta bon fundamental y bo sa kico bo kier. Bo ta compronde miho e balor real di cosnan. Tur cos tin un base solido. Number: 13, 19, 28 y 42.



## Geminis

No sigui pospone bo asuntonan importante. Bo ta den un posicion hopi bon pa locual ta drecha bo posicion financiero y cu e transito planetario cu ta desaroyando den bo horoscop, bo metanan economico ta hopi cla. Number: 12, 18, 27 y 41.



## Cancer

Cuidao! Bo por pone bo bista riba e persona robes. Hopi persona ta busca problema pasobra nan ta mete di mas. Ta ora pa concentra den cuestionnan importante. Number: 11, 17, 26 y 40.



## Leo

Bo accionnan di e fin di siman aki a wordo bon hinca den otro. Procede cu compasion y ekilibrio na ora di tuma un decision cu por afecta tercera persona. Guia bo mes bon. Number: 10, 16, 25 y 39.



## Virgo

Loke bo tabata wardando lo bay sosode miho di loke cu bo tabata pensa. Kico cu pasa aunke cu ta duro semper bo mester mantene bo talento y bo caracter alegre y confia. Number: 9, 15, 24 y 38.



## Libra

Venus bo dirigente, lo hiba bo den un etapa di prosperidad. A pesar di tur cos cu por a pasa lo bo nota con lo bo consolida bo relacionnan. Ta tempo di conquista. Number: 8, 14, 23 y 37.



## Scorpio

Lo bo caba felizmente loke bo a cuminsa cun'e. Bo ta a punto di cuminsa cu un etapa totalmente nobo. Anochi ta trece sorpresanan emocional. Prepara bo mes pa un encuentro. Number: 7, 13, 22 y 36.



## Sagittario

Haci tur cos na su tempo, aunke cu e ta parce hopi, no desespera. Tene un poco di calma y no expresa di biaha loke bo ta pensa te ora bo a considera y pensa suficiente. Number: 6, 12, 21 y 35.



## Capricornio

Pone bo pianan riba tera prome cu actua demasiado rapido, pensa prome. Bo posibilidad di reconciliacion y areglonan sentimental ta hopi halto na e momentonan aki. Number: 5, 11, 20 y 34.



## Aquario

Lo bo scucha algo cu lo laga bo kens y cu deseonan di cambio. Bo personalidad ta spontaneo, pero encanta y lo bo conquista un curason cu ta dificil y hopi cera. Number: 16, 22, 31 y 45.




## Pisces

Duna bo mes bo luga. Ta abo mester ta den control. Cuminsa pa duna bo mes bo luga den un relacion sentimental y lo bo wak con cosnan ta cambia den minimo di tempo den forma asombroso. Number: 15, 21, 30 y 44.

Bo cadena di number di suerte  
ta presenta resultado di awe  
**Alexander**





## FUNDACIONNAN

### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

**Fundacion Hende**  
**Muhe den dificultad**  
**Tel: 583-5400**

**Fundacion Autismo**  
**Aruba**

Irenestraat 21 Aruba  
297-588-1179

**Fundacion Pa Nos**  
**Muchanan**

Cumana 2 Aruba  
297-583-4247

**Fundacion Tel Pa**  
**Hubentud**

Wilhelminastraat 19  
Aruba  
297-588-6138

**Koningin Wilhelmina**  
**Fonds**

Spinozastraat 9 Aruba  
297-582-0412

**Mary Joan Foundation**

Sabana Blanco 8 Aruba  
297-588-9999

**Ned Rode Kruis**

Perdo Gallegostraat 14  
Aruba  
297-588-3376

**Famia Planea (SBVO)**

Avenida Milio J Croes 17  
B Aruba

297-588-9591

www.famiaplanea.org  
famiaplanea@hotmail.com

**Stichting Fundacion**  
**Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081

**A1 Taxi Services Aruba**

Italiestraat 50 lokaal 7  
Tel: 587-8850  
Tel: 280-2828  
Whatsapp: 592-7024  
E-mail: a1taxiservices.  
aruba@hotmail.com



## Dokter na warda

Oranjestad  
Dr. Angela  
Tel. 583 9669

San Nicolas  
Dr. Luchmun  
Tel. 584 0299

## Botica na warda

Oranjestad:  
Sta. Anna Tel. 586 8181

San Nicolas  
San Lucas Tel. 584 5119

## SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



## Schedule october 2017

WED	18	ADVENTURE OF THE SEAS	07.30	23.00	C
		CARIBBEAN PRINCESS	07.00	17.00	B
		NIEUW AMSTERDAM	08.00	20.00	I
		ZENITH	06.30	****	H
		FREEWINDS	06.00	****	E

THU	19	CARNIVAL CONQUEST	08.00	16.00	C
		ZENITH - Dept.	****	18.00	H

SUN	22	FREEWINDS - Dept.	****	23.45	E
-----	----	-------------------	------	-------	---

TUE	24	ISLAND PRINCESS	13.00	19.00	C
-----	----	-----------------	-------	-------	---

## EMERGENCIA

911

### POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

## BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

## UTILIDAD

Setar	117
Web	525-4600
Elmar	523-7147

## FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

## Centrale Bank van Aruba Daily Exchange Rates - 10/20/2017



CENTRALE BANK VAN ARUBA


Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.40	1.42	1.44
CHF	181.29	182.01	182.81
GBP	2.28	2.33	2.39
JPY	155.95	157.37	158.95
EUR	208.58	210.48	212.60
DKK	27.30	28.02	28.82
NOK	21.35	22.07	22.87
SEK	20.81	21.53	22.33

For amounts up to Afl. 100,000



# Charla di Museo Arkeologico di investigacion tocante un naufrago na Puente/Andicuri

**ORANJESTAD** - En conexion cu periodo di horcan, Museo Arkeologico Nacional Aruba (MANA) hunto cu MFA Paradera, ta ofrece publico un charla sumamente interesante di un investigacion riba un naufrago di kende su restonan di skelet a wordo haya na Puente/Andicuri algun aña pasa.



E charla aki ,como tambe un exhibicion temporario 3D tocante arkeologia marino, lo tuma luga diaranson awor, dia 25 di october, di 7or pa 9or di anochi den sala grandi di MFA Paradera. Mas cu claro lo percura pa un pasa bo cadushi y algo di bebe pa e bishitantenan.

E sala di exposicion di Museo Arkeologico for di luna di Maart di e aña aki, manera ta conoci, ta cera pa publico en conexion cu trabounan di mantencion di cual e parti cu ta tumando mas tempo, ta e trabounan di desmantelacion y instalacion di ful un sistema nobo di airco pa henter e compleho.

Pa haci esaki posibel y pa percura cu niun material arkeologico ta haya daño a causa di e calor, ni durante e trabounan cu mester wordo haci, a saca algun obheto for di e sala di exposicion permanente. Ademá pa e compania di instalacion di e sistema di airco por haci su trabou debidamente, mester desmantela cierto areanan den e sala di exposicion pa un otro compania cu experticio den esaki.

Manera ta di compronde, esaki tambe ta tuma su tempo, pasobra e mester wordo haci na un manera responsabel. Mientrastanto cu e trabounan aki ta tumando luga na e compleho di Mana, ta sigui brinda publico e servicio di duna

informacion tocante nos antepasadonan. Estudiante y alumno di scol cu mester traha un werkstuk, rapport of spreekbeurt pa scol semper por acudi na oficianan di MANA pa haya e informacion necesario.

Ademá Mana ta forma parti di e exposicion temporario na Archivo Nacional Aruba, como tambe tin un exhibicion temporario 3D den cuadro di Museum goes Tec na Biblioteca Nacional Aruba pa tur bishitante di e centro educativo aki.

Banda di esaki ta ofrece charla cu diferente tema na diferente localidad y e biaha aki ta trece e Museo na MFA Paradera.

Pues un y tur cu ta interesa den historia di nos antepasadonan y specifico den nos arkeologia marino, y cu no a haya e oportunidad biaha pasa, ta keda cordialmente invita pa bin MFA Paradera, diaranson anochi pa 7'or, pa asina haya sa mas tocante e naufrago cu a tuma luga na aña 1886 a causa di un Horcan y e restonan di skelet di un tripulante cua wordo descubri despues di Horcan Dean na 2007.

Asina Museo Arkeologico ta keda brinda e servicio na publico pa informa tur interesado tocante nos herencia cultural arkeologico.

## IPA ta invita comunidad na su Dia Publico 4 di november binidero

**ORANJESTAD** - Tur aña e interes pa studia na IPA ta grandi. Christiane Augusto, estudiante di tres aña, ta conta su motivacion pa studia na IPA. "For di ora cu mi tabata mucha mi tabata gusta hunga cu mi tabata maestro y mi tabata duna mi amiganan les.

Na HAVO mi a realisa cu e profesion di maestro ta algo cu ta pas cu mi pa motibo cu mi tabata gusta splica mi amiganan locual cu nan no tabata compronde y semper nan a bisa mi cu mi ta splica hopi bon. Despues di a bishita IPA su open dag, na unda mi a haya un bista general di e estudio pa Maestro di Enseñansa Primario, mi a opta pa studia na IPA. Locual cu sigur a hunga un rol tabata cu mi por a studia locual cu mi tabata gusta na Aruba mes. Durante mi periodo di practica den e prome aña, esta e aña di orientacion, mi a ripara cu mi ta gusta para dilanti klas y traha principalmente cu mucha di scol basico. E profesion di maestro ta algo hopi bunita paso bo no ta solamente educando un mucha pero tambe bo ta yuda un mucha cu su desaroyo, cual sigur ta crea un impacto den un mucha su bida. E profesion di maestro no ta facil, pero sigur e ta un profesion hopi bunita. Na final di dia semper bo lo sinti bo satisfecho di por a

haci un diferencia den un mucha su bida. "To teach is to touch a life forever".

IPA ta invita particularmente henter e comunidad di Aruba pa asisti na su dia publico p'asina cera conoci cu nos instituto en general y e ambiente estudiantil en particular, conoce nos facilidadnan y tambe pa haya informacion di loke IPA ta haci.

IPA ta invita tur estudiante di HAVO, VWO, EPI y tur otro persona interesa pa cuminsa un estudio pa maestro pa asisti na e Dia Publico aki dia 4 di november 2017. IPA su dia publico lo ta di 10or di mainta te 2or di atardi. Durante e dia publico aki lo duna informacion general di e estudio di maestro pa Enseñansa Primario, Movecion y Salud, Bachelor Papiamento, Bachelor Hulandes, Bachelor Ingles, Bachelor Spaño y Master Educational Needs. Banda di esaki lo tin presentacion di proyecto di estudiante y exposicion di e diferente areanan di formacion di e estudio di maestro pa haya un miho bista riba kico e estudio ta encera. Naturalmente lo tin oportunidad pa inscribi como estudiante pa e estudio pa maestro di Enseñansa Primario, Movecion y Salud, Bachelor Papiamento Bachelor Hulandes y Master Educational Needs. Pa por inscribi na IPA mester trece e papel di registro civil (papel di AWG 5,-), si a gradua caba co-



pia di diploma di sea HAVO, VWO of MBO nivel 4. E gastonan di inscripcion ta AWG 75,-. Banda di esaki tur persona cu ta interesa den Bachelor Ingles y Bachelor Spaño por pasa IPA pa ricibi informacion y yena un formulario di interes. Tambe lo tin un Food & Bake Sale organisa pa nos propio studiantenan. E benta di cuminda aki tin como meta pa recauda fondo pa e studiantenan di aña 3 cu

pronto lo biaha pa exterior pa nan pasantia internacional. Di e manera aki IPA ta brinda henter Aruba un dia special di orientacion, yen di informacion y actividad.

Pa mas informacion por tuma contacto cu Studenten Services na 5243100 of por bishita nos pagina di facebook 'Instituto Pedagogico Arubano' of nos website [www.ipaaruba.com](http://www.ipaaruba.com).



# Cuerpo Policial Aruba cu charla na empleadonan di hotel

**ORANJESTAD** – Recientemente Cuerpo Policial Aruba a facilita un charla riba ‘Active shooter’, cu ta un situacion pasando mundialmente. A tene e charla na Holiday Inn Resort, suministrando informacion na empleadonan riba kico pa haci y con pa actua den situacion di un tiramento.

John Larmonie di e departamento di Comunicacion, Informacion y Prevencion di Cuerpo Policial Aruba a conta cu nan a ricibi un invitacion di Holiday Inn pa facilita un training na e empleadonan riba ‘Active shooter’. E tipo di training aki Polis ta dunando pa 1 aña caba, pero pa mas o menos 2 aña ta studiando e tendencia nan mundial. A tuma nota cu si un pais no



tante pa nan sa kico por haci pa evita un situacion mas drastico.

E compania a probecha di e charla pa atende otro topiconan, manera di salud y seguridad. Nan a invita Cuerpo di Polis pa di dos biaha. Sra. Fernandez ta di opinion cu ta bon pa tur hotel organisa e charla aki. Mester facilita e charla den un area unda cu tin hopi hende y esey ta un area cu e situacionnan aki por sosode. E organizacion tin un plan di accion pa un caso di emergencia y ta trahando riba dje. Nan ta trahando riba e procedura caba, unda cu e compania a manda informacion locual nan a haya for di Polis. Nan tin diferente linea di guia unda cu e compania a bisa nan cu tin e plan di core, sconde of ataca, y ta buscando kico tur mas lo por forma parti di e manual cu nan ta trahando actualmente riba dje.

Cuerpo Policial Aruba kier pa tur empleado di tur hotel haya e curso, pero tambe lo desea di yega na otro negoshinan. Polis tin deseo di un dia yega na scolnan, pasobra e informacionnan aki ta hopi simpel. E unico reto cu nan tin ta con pa splica hende pakico e ta importante.

Tur esunnan cu a atende e charla a keda contento cu e informacion y guia, pasobra a haya diferente tip cu lo yuda nan no solamente na trabou pero den nan bida diario tambe.

ta prepara pe, pa ora cu e yega e ta causa hopi daño. Un caso di ‘Active shooter’ ta hopi violento y horibel, pero e ta bira mas teribel si hendenan no ta consciente di kico e ta y kico pa haci. Pa e motibo aki a cuminsa cu e training nan.

“Holiday Inn Resort, pa subraya nan rol como ciudadano cooperativo a haci tur lo posibel pa yega na Polis pa pidi un charla asina den un esfuerzo pa conscientisa empleadonan

riba tendencia nan”, asina Lila Fernandez, Training Manager di Holiday Inn Resort a expresa. Rond mundo ultimamente ta pasando hopi ‘active shooter’ y como hotel nan ta haya bishita di hopi hende, cu ta pone cu nunca por sa ki situacion por sosode. Holiday Inn kier pa tur su empleadonan ta simplemente consciente, alerta y ta preveni. Nan no ta rescata hende manera Polis, pero e informacion ta hopi impor-

**MEGAPLEX 8**

caribbeancinemas.com f Caribbean Cinemas Aruba

**OCTOBER 19-25**

**The Metropolitan Opera**

AGAIN ON THE BIG SCREEN

**Die Zauberflöte SAT, OCT 28 • 1:00PM**

LIVE FROM THE MET 2017-2018

JACKIE CHAN | KATIE LEUNG

**THE FOREIGNER**

WITH SPANISH SUBTITLES

CXC PREMIUM LARGE FORMAT AUDITORIUM

MON-FRI 4:35 | 7:05 | 9:30

SAT & SUN 2:10 | 4:35 | 7:05 | 9:30

MON-THURS • SUN & HOL 8:20

FRI-SAT 8:20 | 10:45

TYLER PERRY | PATRICE LOVELY

**BOO2!**

A Madea Halloween

MON-THURS 4:35 | 6:50 | 9:10

FRI 4:35 | 6:50 | 9:10 | 11:25

SAT 2:20 | 4:35 | 6:50 | 9:10 | 11:25

SUN & HOL 2:20 | 4:35 | 6:50 | 9:10

MICHAEL FASSBENDER | REBECCA FERGUSON

**THE SNOWMAN**

WITH SPANISH SUBTITLES

MON-FRI 4:20 | 6:50 | 9:25

SAT & SUN 1:50 | 4:20 | 6:50 | 9:25

JESSICA ROTHIE | ISRAEL BROUSSARD

**HAPPY DEATH DAY**

WITH SPANISH SUBTITLES

MON-THURS 5:15 | 7:25 | 9:40

FRI 5:15 | 7:25 | 9:40 | 11:55

SAT 3:05 | 5:15 | 7:25 | 9:40 | 11:55

SUN & HOL 3:05 | 5:15 | 7:25 | 9:40

HARRISON FORD | RYAN GOSLING

**BLADE RUNNER 2049**

WITH SPANISH SUBTITLES

MON-SUN & HOL 5:20 | 8:40

IDRIS ELBA | KATE WINSLET

**THE MOUNTAIN BETWEEN US**

WITH SPANISH SUBTITLES

MON-THURS 4:20 | 6:50 | 9:20

FRI 4:20 | 6:50 | 9:20 | 11:50

SAT 1:50 | 4:20 | 6:50 | 9:20 | 11:50

SUN & HOL 1:50 | 4:20 | 6:50 | 9:20

EMILY BLUNT | KRISTIN CHENOWETH

**MY LITTLE PONY**

Movie

SAT, SUN & HOL 3:05

TOM CRUISE | DOMINIC MONAGHAN

**AMERICAN MADE**

WITH SPANISH SUBTITLES

MON-THURS 4:15 | 6:45 | 9:15

FRI 4:15 | 6:45 | 9:15 | 11:45

SAT 1:45 | 4:15 | 6:45 | 9:15 | 11:45

SUN & HOL 1:45 | 4:15 | 6:45 | 9:15

JACKIE CHAN | DAVE FRANCO

**NINJAGO**

WITH SPANISH SUBTITLES

MON-FRI 4:00 | 6:10

SAT & SUN 1:50 | 4:00 | 6:10

STARTING OCTOBER 26 | JIGSAW • VICTORIA AND ABDUL • THOR: RAGNAROK

MOSES AND THE TEN COMMANDMENTS

Palm Beach Plaza Aruba | 586-0074

THE MAGIC OF THE MOVIES ON YOUR MOBILE DEVICE

Available on the App Store

ANDROID APP ON Google play



# Universidad di Aruba a tene anochi informativo



**ORANJESTAD -** Diabierna ultimo Universidad di Aruba a tene un anochi informativo cu charlanan pa esunnan cu interes of curiosidad pa loke ta trata e diferente estudionan ofreci pa e universidad. Studiantenan a comenta cu nan a scoge pa Universidad di Aruba pa motibo cu cierto estudionan ta na mesun nivel cu Hulanda, mientras e prijs ta mas faborabel compara cu scolnan den exterior.

Durante e anochi e universidad su facultadnan: Faculty of Hospitality and Tourism Management Studies, Faculty for Accounting, Finance & Marketing, Faculty of Arts & Science y Faculty of Law a duna presentacionnan riba kico nan lo por ofrece studiantenan cu tin pensa di studia na nivel universitario na Aruba mes.

Joel Recappe, kende ta studiando Organisation, Governance & Management na e Faculty of Arts & Science a conta Bon Dia cu el a dicidi di cuminsa cu un estudio na Aruba

pasobra 'mi no tabata cla pa bay afo'. Sinembargo sr. Recappe a haya un estudio cu tabata zona perfecto pe akinan mes.

E ambiente na universidad segun sr. Recappe ta hopi bon, mirando cu e klasnan ta basta chikito. Asina semper e docentenan ta envolvi cu e studiantenan y tin contacto regular entre estudiante y docente. Tambe e lesnan ta hopi interactivo, 'y bo no ta sinti manera bo ta djis tumando loke nan ta duna bo, si no tambe ta envolvi den e proceso di enseñansa'.

Sr. Recappe a recomenda pa studiantenan y hobennan cu no ta mucho sigur kico nan lo kier studia den futuro pa acudi na un programa special di e Universidad, esta e Academic Foundation Year. "Si bo no sa kico bo lo kier studia ainda, e programa lo yuda bo pa orienta bo mes kico lo ta e miho opcionnan basa riba bo capacidad".

Nos lo elabora mas riba e contenido y reaccionnan di publico di e charlanan duna pa e facultadnan den un proximo edicion.





## Ciclistanan ta pidi Formador colaboracion di gobierno pa siguridad di ciclista

**ORANJESTAD** - Algun persona den comunidad a entrega un carta na formado di gobierno pa asina vociferan nan preocupacion pa ciclistanan riba e isla. E grupo tin un propuesta pa bini cu un campaña di conscientisacion pa automobilista y tambe un grupo di interes cu lo por pensa hunto pa soluciona problemanan cu ciclismo ta enfrenta riba nos isla.

Despues cu den e ultimo lunanan tras di lomba a sosode varios accidente di bicicleta, den algun caso hopi grave, a haci cu ayera den oranan di atardi Annemarie Melchers di TriBike y Jurgen van Schaijk di Amsterdam Manor Beach Resort a dicidi pa presenta un carta riba e tema aki na Formador Evelyn Wever-Croes. Den tal carta ta pidi pa pone atencion riba ciclismo di Aruba den e acuerdo gubernamental nobo.

Durante un splicacion na Bon Dia Aruba, sra. Melchers ta splica cu den e ultimo añanan por mira cu ciclismo como un deporte y manera di transporte ta creciendo. Especialmente den e ultimo 5 añanan. “Bo por wak cu tin hopi ciclista riba caminda. Alabes tin mas accidente ta tumando luga y no tin mucho claridad riba leynan of reglamento ora ta trata di e grupo aki”.

### Conscientisacion di comportacion riba caminda

Segun sra. Melchers, por mira riba social media cu tin mas tension entre automobilista y ciclista riba caminda ultimo tempo. E ciclistanan ‘no ta sinti nan mes sigur riba caminda’. Pa e rason aki hopi ciclista ta scoge di core den grupo pa por tin mas bista riba nan. Pero hustamente esaki ta percura cu automobilistanan ta sinti nan mes stroba pa un grupo di ciclista.

Sinembargo un gran cantidad di accidente envolviendo ciclista ultimo tempo tabata trata di personanan individual, segun sra. Melchers. “Por ehempel e accidente cu e hoben na Colony unda bo ta kere hende lo core mas sigur. Esaki ta kico



nos kier evita pasobra e hoben ta interna ainda na Colombia y parce e no ta bay por cana mas”.

E solucion lo mester bay bin di ambos banda, segun sra. Melchers. E no ta kere cu simplemente ta automobilista ta core sin consideracion pa trafico riba bais. “Mi a yega di nota di ciclista tambe cu ta core sin luz y cu ta core den contrario, pues tambe mester bin mas conscientisacion riba kico bo tin cu haci ora bo ta ciclista riba caminda”.

E solucion cu sra. Melchers y sr. Schaijk ta propone ta pa bin cu un campaña di conscientisacion di parti di gobierno pa por educa automobilistanan pa tene cuenta cu ciclista riba camindanan publico. Pero tambe ta pidi gobierno pa reserva fondo den presupuesto di e proximo periodo di gobernacion pa desaroya ciclismo mas ainda na Aruba. Tambe pa medio di ampliacion y mantencion di e network di ciclistanan y educacion riba uzo di bicicleta na scolnan.

### Grupo di interes pa ciclismo: Cycleboard

Nan no ta kere cu e gobierno mester enfrenta e situacion riba nan mes. E grupo ta propone pa bou e contexto di hunto nos ta para mas fuerte, establece hunto cu otro partidonan involucra den ciclismo y gobierno, un cycleboard.

“Nos kier forma un grupo cu diferente persona y experto den comunidad pa pensa hunto con pa forma y conecta e fietspaden di diferente bario, entre otro”. Den e grupo aki lo mester tin por ehempel personanan cu por representa DOW y personanan cu conocimiento pa traha ley. Y naturalmente diferente tipo di ciclista.

Apart di e aspecto di siguridad riba caminda, ta importante

pa considera cu mas ciclismo por trece mehoracion den diferente areanan pa nos isla, segun sra. Melchers. Tanto den sentido social como den sentido economico. Mas ciclismo y un miho ambiente pa sostene esaki lo por trece mas turista di cierto tipo na nos isla. Tambe sra. Melchers ta subraya cu pa hobennan e por contribui na nan independencia.

“Si muchanan por yega scol cu bicicleta, esaki lo alivia trafico y tambe laga e muchanan cu un sentimiento di autonomia. Manera cu e ta awo muchanan ta depende di nan mayor pa hiba nan tur caminda. Pero tambe e parti di medio ambiente lo sinti un alivio”.

### Iniciativanan

Tri-Bike, como club y negoshi ta organisa training di mountain bike semanalmente pa mucha y hoben di 6 pa 18 aña riba diasabra mainta. Tambe competencianan varios biaha pa aña. Riba nivel mas general nan tambe ta involvi cu proyectonan cu ta tuma luga, manera e proyecto di ciclismo cu a tuma luga aña pasa.

“Esaki a encera cu gobierno a pidi e federacion di ciclismo Aruba Wieler Bond (AWB) y e clubnan di ciclismo pa yuda pensa con e fietspaden na Aruba por wordo mehora”.

Bon Dia Aruba ta den espera di comentario di Formador Evelyn Wever-Croes riba e carta cu a wordo entrega na su persona y tambe loke ta trata e preocupacionnan di ciclista. Riba esaki nos lo elabora den nos proximo edicion.



## MFA Savaneta ta habri awe oficialmente

**ORANJESTAD** – Desde mei 2016 a inicia cu e construccion di un di e centronan di multi servicio conoci manera MFA den distrito di Savaneta. Esaki ta forma parti di otro MFAnan cu (t) a wordo construi na Noord, Paradera, Sta. Cruz y San Nicolas.

Un comunicado oficial di oficina di gobierno ta bisa:

“Manera cada un di e MFAnan prome cu esun di Savaneta, e arkitekto mester tabata tin un conexion cu e distrito. Den caso di Savaneta un hoben arkitekto di Savaneta, Serge Thijsen, a keda encarga pa crea e concepto cu awe a cristalisa den un joya di proyecto pa pueblo di Savaneta.

E di tres MFA riba nos isla ta bay ofrece multiple servicio publico, ademas di fungi como punto di encuentro social y cultural. E servicio principal cu ta bay haya un localidad nobo den e MFA ta Hulpbestuurskantoor di Savaneta. Cu un facilidad mucho mas placentero y planifica cu tanto e trahado como e cliente den mente, Hulpbestuurskantoor ta bay tin e tur herment na su disposicion pa duna un miho servicio y den un ambiente mucho mas adecua pa un y tur.

Omar Harms di Ministerio di Asuntonan General a splica cu banda di



Hulpbestuurskantoor, entre otro Servicio di Impuesto, cafeteria y biblioteca, ta bay establece nan mes den e facilidad aki na MFA Savaneta.

E vision di un MFA den cada distrito ta un vision di Gabinete Mike Eman, cu tabata tin como meta mehora e servicicionan publico cu ta y por wordo duna. Importante den tur esaki ta cu for di den fase di planning, a pone hopi enfasis pa sa e necesidad y deseonan particular di habitantenan di cada distrito.

Prome Minister Mike Eman, ta invita pueblo di Aruba henter, pero particularmente habitantenan di Savaneta y bisindario pa e ceremonia oficial di apertura di e facilidad multifuncional aki na Savaneta cu ta tuma luga dialuna 23 di october pa 7or di anochi.”